

北京救世堂重印

救世後一千九百零六年

聖火
想
耶
穌
苦
難

北京主教林准

館圖北

天 神 降 勉

汗 血 交 流 苦 爵 願 來 甘 一 死



身 靈 並 鬱 山 園 寤 禱 訓 千 秋

父 旨 無 回

序

默想吾主耶穌苦難。雖係明路之工。然爲各等地位。修理靈務者。均有大益也。蓋初回頭者思之。能得潔己之善法。改過自新。勵神修者思之。能得克苦之良方。進德增業。已成德者思之。能致聖愛。密合於主。呼吸相通。何哉。昔日耶穌懸於十字架。上將終之時。天昏地震。日月失光。石

相觸碎。墳墓自闢。堂幔自裂。無靈之物。皆被感動。以改其常。況有靈之人。若用心默想耶穌苦難。自必感發熱愛真情。不待言而可知也。余任京畿。經理教務以來。見信友內。誠心事主。專務救靈者。有之。而怠於行善。不務救靈者。亦有之。兼且守貞之女。蔚然成羣。原以事主救靈爲特務。默想祈禱爲熱心。而教中默想之書雖多。惜

無專論吾主耶穌苦難之編。故仰合耶穌救贖之旨。命將耶穌會士類斯彭德所著耶穌苦難之書。採譯成帙。計題四十有六。以作嚴齋內。每日默想之題。蓋嚴齋聖期。乃去罪過。作補贖之時。若默想吾主苦難。比長年大齋。逐日鞭打見血之工。更有神益。因彼苦工雖美。究屬外面之事。不如思主苦難。能動人心。明潔人靈。除私欲。

增熱愛。導人正路。長人神智。加人神勇。方可安
行外面之善工。有始有終。不致半途而廢也。此
書字句顯淺。雖婦女幼童。皆可誦讀。易沾神益。
倘余所屬信衆。有願改過遷善。修德立功者。每
日勉力。依此書而行默想。則成聖成賢。亦豈難
哉。余日望之。是爲序。

光緒二十年聖母升天瞻禮

主教都若翰題

默想耶穌苦難目錄

善備默想吾主苦難之法

見一張

思受苦難的是誰

見三張

吾主茨冠之苦辱

見四張

聖母在吾主受難時所受之痛苦

見六張

吾主耶穌基利斯督上日路撒冷京都

見九張

執巴爾瑪枝迎接基利斯督進日路撒冷城

見十一張

基利斯督望日路撒冷城流淚痛哭

見十二張

基利斯督赴白大尼亞之筵

見十四張

茹達斯三十銀錢賣耶穌

見十六張

兵卒以鎗刺耶穌胸肋

見十七張

耶穌食巴斯卦羔羊

見十九張

濯足之禮

見二十一張

耶穌往日色瑪尼亞園心中憂苦

見二十三張

耶穌山園祈禱

見二十五張

耶穌在山園出流汗血

見二十六張

茹達斯領惡黨拿耶穌

見二十八張

卸聖屍殮葬

見三十張

耶穌自山園被拿到亞納司衙門所受諸苦

見三十三張

掌擊耶穌聖面

見三十四張

伯多祿三次背主

見三十六張

耶穌在蓋法司衙門受許多妄證

見三十八張

耶穌在蓋法司衙門夜間所受之苦辱

見四十張

耶穌被解到比辣多衙門

見四十二張

耶穌五傷

見四十四張

耶穌在比辣多衙門所受之妄告

見四十六張

耶穌被解送到黑落得衙門

見四十九張

如德亞人請放巴辣巴定耶穌死罪之案

見五十一張

耶穌繫受鞭笞

見五十三張

耶穌被鞭之後所受的苦辱

見五十五張

斯人在茲

見五十七張

思吾主傾流聖血之奧妙

見五十九張

判斷耶穌十字架上死

見六十一張

耶穌背十字架上加爾瓦畧山

見六十三張

耶穌被釘於十字架上

見六十六張

十字匾額之奧意

見六十八張

兵卒分耶穌之衣

見七十張

耶穌架上第一言求聖父赦仇

見七十一張

聖母侍立架旁

見七十三張

耶穌架上第二言恩准右盜升天

見七十五張

耶穌架上第三言曰女人彼爲爾子

見七十七張

耶穌架上第四言曰吾天主吾天主何捨棄我

見七十九張

耶穌架上第五言曰渴

見八十一張

耶穌架上第六言曰終

見八十二張

耶穌架上第七言曰父吾神付於爾手

見八十四張

耶穌死後之奇事

見八十六張

兵卒看守耶穌墳墓

見八十八張

默想耶穌苦難目錄

終

默想耶穌苦難目錄

五

--	--	--

默想吾主耶穌苦難

嚴齋首日。聖灰禮儀瞻禮。

題論默想耶穌苦難。先當有的預備。

前晚撮要我等明日默想。論祈禱前當有的預備。因為聖經上說。你所禱之

前。先該預備你的心。不要如同要試探天主一般。第一善備。是謙遜認自己之罪。第二善備。是倚靠天主之慈。第三善備。是當有虔誠懇切的心。又最好的預備。是前一晚上。就把默想題目。提其大意。心中懷念着。以去熱心安歇。這就是我們如今。念這題目的緣故。

早晨小引我們如今。跪伏欽崇。為我們受苦難的耶穌。求他賜我們當有的善情。妥備我們的心。使能得在此默想中。能得的神益。

首分想。第一善備。是謙遜認罪。聖經上說。你於祈禱之前。先該預備

你的心。勿若試探天主也。那是爲平常祈禱而言。更是爲默想耶穌苦難的善訓。耶穌在受難前。尙且預備。我這默想之人。豈不該預備麼。按聖文都辣所說。第一善備。就是心謙。在默想前。當謙卑自下。自認己罪。聖經上說。義人祈禱。先自認己罪。又該想我的罪。是吾主受難之緣由。我犯罪。致主受苦。我心能不痛麼。比如爲子女的。見父母因他的緣故。坐監牢受苦刑。甚至屈死如盜賊。爲子女的。能不愧恨痛泣。穿孝服麼。默想耶穌苦難者。何不如此哀痛深謙。悔恨己罪呢。凡欲安慰人苦者。亦不當着喜慶之衣。有此謙遜悔罪之心。方可望能分耶穌之憂苦。耶穌在山園之隱憂。只告訴了三位宗徒。到了被釘十字架時。只有聖母。若望。瑪大肋納。三人侍立架旁。這樣大恩寵。若不是謙遜人。就不能得。因驕傲之人。上不能瞻仰天主的廣大。下又不肯認吾主耶穌人性之

卑賤也。

二分想。第二預備。是深靠耶穌的仁慈。耶穌既卑屈己尊。爲我受苦。必定也賞我。默思他受難之情。動心難過。得其受難之益。使我懷存謙遜。望得聖寵的緣故有三端。一因其所受苦難。二因其憐愛罪人。自爲中保。爲人祈求。沾其受難洪恩。三因其無比之仁愛大方。在十字架上。還救一大盜。因右盜謙卑誠心求曰。主至天國。記我一念。彼即得其所求。聖老楞佐如斯弟尼亞諾說。向苦架上之主。認罪之後。謙遜倚靠。求主說記我一念。不但爲得天國。更爲合你同傷同苦。聖保祿說。今世若與耶穌同苦。後世也與耶穌同榮。今世同難。後世亦將同樂。故此當專心倚靠耶穌。聖伯爾納多說。倚靠越大。受恩越多也。

三分想。第三預備。是當誠切。蓋吾主熱切受苦。而我以懈怠之心去

思。實是可愧。但誠切的憑據。就是用心細思。熱切默想。清記含。潔明悟。除懈怠。去分心。深入吾主憂苦之內。大發熱愛之火。務使愛火炎炎。略效基利斯督之心情。又當堅心定志。跟隨耶穌。勿效三位門徒。在山園中。只是沉睡。當效法耶穌醒寤長禱。憂悶至死。且他整夜祈禱。我們用半刻工夫。默想祈禱。狠不爲多。第四預備。是心靜神安。全除罪污。良心無愧。纔敢放心到主台前。所以潔除己罪。纔是妥當預備。方能得主聖寵。分主寶血的功勞。因爲人都知道。不用污穢之餅。以盛寶貴香液。若有污穢之心。何能承受天主之聖寵乎。聖伯爾納多說。人心旣欲滿貯聖寵。自當清心寡欲。小心領受。

我今定志。 一是謙心認我的罪。是耶穌受苦難的緣由。痛悔我的罪。 二是倚靠耶穌的苦難仁慈。求主賜我。能同耶穌受苦。以得身後同

耶穌享福。

日內短誦。我罪是耶穌受苦難的緣由。我還不該躲避罪過麼。

嚴齋第二日。瞻禮五。

題目 思受苦難的是誰。

前晚撮要 我等明日。默想受苦難的耶穌。是何等尊貴聖善。一。耶穌是至潔至聖。無罪而受苦。二。耶穌施人無數神形之恩。人反苦害之。三。耶穌待人有限之愛情。人反苦害之。所以耶穌所受的苦難。最羞辱。最疼痛。又最傷心。

早晨小引 我們跪伏在苦難的耶穌台前。欽崇他的至聖。感謝他為我們受難的大恩。更感謝他。愛我們的無限聖情。求他賞賜愛情聖火。熱我們的心。好熱切愛他。

首分想。受苦難的耶穌。是至聖無罪的。我想吾主。乃至潔至聖。其潔無玷。其聖純全。至明至智。係天主上智的府庫。充盈而不可測量者。從此可知。所受諸害。非因其罪。俱是惡人橫加凌辱。如罪人耳。今我見至潔。至聖。至明之主。受這樣苦辱。真該痛哭悲傷。昔日在加爾瓦畧山上。百夫長等。見耶穌受如此苦辱。尙至搥胸傷痛。而我明明知道。耶穌爲義人之義。至潔無玷。爲我受此大苦大難。何不搥胸傷痛呢。吾主爲活泉。聖寵之源。聖德的義表。受這樣大苦。山上頑石。尙且裂碎。我心乃有靈性者。竟不痛悔裂碎。我心比頑石更硬了。

二分想。吾主之全能。好施之聖德。以恩待衆。捨己生命。以救世人。聖伯多祿說。吾主一生。施恩於人。救人於魔鬼之手。開瞽目。淨癩瘋。療沉痾。復活死人。又施恩於人靈。寬赦人罪。開天門以救人。使脫免地獄。誨

人以聖道。常以愛火。燒熱世人之冰心。以德光引人走升天之正路。從此看來。吾主不但無罪。更全備純德奇功。本當受尊榮。而反受苦辱。故聖奧斯定說。吾主一生。行奇蹟。施恩惠。而反受多苦。竟至死於十字架上。嗚呼。救世之恩主。以恩施衆。來救世人。而世人乃以仇報恩。用計謀害我的靈魂。你看見這些光景。能不痛死麼。噫。我若能效法吾主耶穌行善救人。爲愛天主而受人的苦辱。這是我何等的造化呢。我的救世主。你施恩於人。受人的謀害凌辱。從今以後。我亦效法你。行善愛人。再不敢盼望人的讚揚了。

三分想。吾主無限的愛情。將己全交付於人。願與人合而爲一。想吾主乃我之父。我之師。我之醫。造世救世。養我福我。乃我靈之王。我身之主。我之萬有也。受難前夕。將自己的體血。作我的飲食。進我心中。與我

合而爲一。所以見主受苦。該如我受的一般。合主同傷同憂。以慰主心。吾主爲我受苦。更當以主苦爲我苦。常見子痛父亡。婦慟夫死。好友傷好友之歿。吾主是我之慈父。我靈之夫。我之愛友。受這樣苦痛死亡。我怎不該傷悲呢。

我今定志。一。今日遇有苦難。認爲我罪的補贖。謙心忍受。二。爲天主行愛人的事。不敢望人讚美。

日內短誦。吾主愛我無限。爲我受苦。我亦願同主受苦。

嚴齋第三日。瞻禮六。此日恭敬耶穌茨冠。

題 思茨冠之苦辱。

前晚撮要 我等明日。默想耶穌茨冠之苦辱。一。這茨冠爲耶穌。有兩樣苦。一是羞辱。二是疼痛。二。這茨冠的苦辱。是因我們的過罪。特因我們驕

傲淫慾兩樣罪過。三。這茨冠。又實顯耶穌的尊貴光榮。是萬王之王。早晨我們跪伏在頭戴茨冠的耶穌足下。朝拜他。認他爲我們的君王。憐憫他的疼痛。傷感他。因我們的罪。受這大羞辱。定志痛改我們的罪過。

首分想。茨冠的疼痛羞辱。茨冠之苦有二。一是羞辱。一是痛苦。論羞辱。因爲冠冕。是帝王所戴。以顯尊榮。或加於得勝的頭上。以顯榮耀。或加神聖之頂。以表福榮也。今惡人用茨冠。戴在吾主之首。是爲譏笑他。自僭王號。自稱爲王。及榮耀進都城。三樣之事也。羞辱中又有疼痛。因茨冠之茨。深入於腦中。疼痛至極。鮮血迸流。鞭打不到之處。茨冠又代補之。聖首鮮血迸流。目爲之昏。面爲之污也。噫。光榮之主。爾將萬物。俱歸於人的權下。且加光榮體面。使人爲萬物之王。如今爲何許人。以苦

辱之冠。加於爾首耶。可嘆人心無良。殘虐待主。若此之甚。天主待人。寬仁至矣。寵愛極矣。天主以榮冠戴於人之首。而人用辱冠。戴於吾主之首。主以寬厚施恩。人以慘虐報主。我的靈魂。這些荆茨。爲何不刺爾心呢。觀天地君王。爲使你得永遠榮冠。受這樣毒茨之痛。你何不動心。頭流血。目流淚呢。唉。真王撒落滿。爲慶我靈魂連合於主的歡樂。甘受茨冠之苦。求主亦賜我一茨冠。同爾作慶賀。唉。耶穌之茨冠。世人雖躲避爾。我則欽崇爾。因爾是我主天主之冠也。吁。聖哉長茨。若到我頭上。乃我之大幸也。蓋用爾所傷者。治我之傷也。

二分想。當思己罪重大。特特驕傲淫慾之罪。是苦辱吾主的茨冠。此等罪過。刺主聖首。加主苦辱。比茨冠的苦辱。更多更重。我順從私慾。喜戴鮮美的首飾以自樂。而吾主則戴茨冠以自苦。因我求驕傲之冠。虛

榮之冕。致吾主尋謙遜之冠。卑辱之冕。唉。我的靈魂。爾罪皆爲吾主茨冠。今當痛悔補贖。刺透爾心。主戴茨冠。以補爾罪。爾既是耶穌之肢體。以後當羞恥用華飾。享世福。貪世榮也。

三分想。可思茨冠之深意。茨冠雖是從惡人之惡意所出。以苦辱吾主。然實證其爲王。其國無疆。其冠永久。非世國可比。蓋世王今日雖戴冠冕。明日就許爲賤奴。爲窮虜。吾主之得勝。非只勝一國。是勝普世之民。敗魔鬼。伏肉身。勝世俗。又戰勝了地獄的衆魔。是替世人戰勝強仇。其得勝之榮冠。福樂無窮也。耶穌戴茨冠。又是教訓我。欲享天國榮冠之福。在世先該受茨冠之苦。故於今世。受辛苦之茨冠。比享安樂花冠更好。我若隨世人。貪快樂。求榮名。戴花冠。後來將受罪過之茨。良心之苦。不得脫。如聖咏所云。轉入禍坑。將受刺也。吁。至尊天主。得勝之帥。榮

耀無疆之王。我稱謝爾。先選茨冠。後得榮冠。自今以後。將我身獻於爾。今世寧受茨冠。爲能後世得享榮冠也。

我今定志。一。是用心躲避驕傲及淫慾的罪過。再不肯好虛浮華美的穿戴。以加耶穌的苦。二。是勉力效法耶穌。今世願戴羞辱的茨冠。爲能身後戴永遠的榮冠。

日內短誦。吾主。求賜我今世甘受茨冠。以得身後之榮冠。

嚴齋第四日。瞻禮七。

題目 思聖母在吾主受難時所受之痛苦。

前晚撮要 我等明日默想聖母在吾主受難時所有的痛苦。用助我等動心。憐憫他。並憐憫耶穌。見聖母悲傷。而自己之苦更增也。聖母又是我等之母。我罪是他痛苦的緣由。理當同他傷悲。聖母見耶穌。這般苦

辱。不勝苦其聖心。耶穌之苦愈重。聖母之苦亦愈重。其苦其痛。實係我等所難明。聖母痛苦之重大。其故雖多。總因愛其聖子之盛情所致。因愛情愈大。則見所愛者受苦。而己之苦亦重大也。

早晨 我等跪伏於童貞痛苦之母台前。陪伴聖母悲傷。承認是因我等罪過。致聖母如此痛苦。求其恕我等之罪。並賞賜我等。能畧明白他那痛苦的重大。效法他愛耶穌。憐憫耶穌的苦。

首分想 聖母傷痛耶穌之苦難。一。因耶穌基利斯督。是他可愛之子。聖母愛其子。大超過普世父母之愛子。因耶穌。是聖母瑪利亞童貞女之子。故聖母兼有爲父爲母的愛情。且聖母懷孕耶穌。是因聖神全能。以聖母淨血成胎。聖神是愛火。所以聖母之愛。亦不是平常之愛。見子死亡。其痛亦必不是平常之痛。真可說。你們過路的人。試留神細看。有

誰苦痛。如我的苦痛也。二。因吾主爲長子。又爲獨子。並無三兄兩弟。聖母最愛其子之生。故最痛其子之死。所以聖母見其獨子耶穌。又兼聖父之獨子。受此苦辱。懸於十字架上而死。真是說不出他心的苦痛。是怎樣大了。三。因母子相肖之情。乃加苦樂之原也。越相肖。則愛越增。古經云。畜牲知愛像己者。人愛近己者。故父母愛子。更愛其肖己者。聖母與聖子。既最相肖。所有資稟。地位行止。德行性情。直如一人。所以痛在此心。亦必深入彼心也。

二分想。聖母最愛其子的緣故。一。是因于之聖智超羣也。夫正愛。必愛有聖德。與主相近者。勝於愛平常之人。若再係至親。又是超性本性。則親愛更密。見他受苦。己痛更加。因爲想他無罪而被害。則心痛更甚也。日路撒冷的婦女。見無罪的基利斯督受苦。尙痛苦流淚。而聖母明

知吾主。是聖中至聖。聖德之源。受此苦辱。其流淚痛苦。尙可言哉。二。聖母又明知耶穌。亦是己之恩主。施與無數大恩。格外又選之爲母。不得不格外愛之。旣愛之。必思報之。惟願將所受之恩寵。全歸於所愛。以報其無限之恩也。唉。願報以無限之恩。反見其身受重苦。童貞母之痛。何能已乎。三。因吾主爲其子。又爲活天主子。兼有天主聖性無窮美善。誠當盡其愛情。且聖母蒙格外寵光。並明白其子之尊貴。故全心全靈全力愛主。並盡量以愛子。凡能有之愛。無不盡量愛之。是以愛之大者。痛亦大。聖母見可愛之聖子。受此最可憐之苦辱。自不得不全心全靈全力。生出苦痛也。

三分想。更思聖神愛火。充滿聖母之心。以至與主與子。合爲一心。故聖子之禍福。爲聖母之禍福。愛子勝於愛己。痛子之苦。亦勝過痛己之

苦也。此愛力之大。自母心通於子心。子苦母亦苦。母見子受苦。自必更苦焉。比保祿宗徒更可說得。吾偕基利斯督。釘於十字架矣。生活非由於我。基利斯督生活於我。我生活於基利斯督也。夫愛情是痛苦之由。愈明其痛之重大者。亦更加己之痛。聖母最明白其子之痛。並知古經所說。默西亞受苦的情景。聖母蒙天主默啟。既深明經中。預言受難景況。又親侍立架旁。不但理會目所見之外苦。更神通聖子之內苦。加己之苦。此即西默盎所說。利刃刺爾靈。非刺爾身也。利刃者。就是愛情。與知識。所磨之利刃也。吾主所告若望弟兄之苦爵。聖母真飲之矣。日叻彌亞所說。苦洗淚海。聖母親身經過矣。真可云。大哉爾痛。如大洋。巨哉爾苦。似深海也。吁。童貞之后。誰能說盡爾七愛七苦之痛哉。真如利刃。刺爾心矣。聖母在此苦景。真可同古婦諾厄米說。你們不要叫我是美

好者。當叫我是苦心者。因全能天主。苦我至極也。全能天主。於降生之時。賞聖母光榮大矣。而受難之日。全能者苦之。亦至極了。然賜苦。即是賜寵也。我當求全能天主說。顯爾全能於我身。使我明白聖母。及聖子受苦之情。並賜聖寵。效法吾主之苦辱。亞孟。

我今定志。一。是用心躲避犯罪。不肯再加耶穌聖母之苦。二。是熱心同聖母。憐憫耶穌的苦難。

日內短誦。苦刃刺心之母。爲我等祈。

嚴齋第一主日。

題目 思吾主耶穌基利斯督。上日路撒冷京都。

前晚撮要 我等明日。默想耶穌上日路撒冷京都。想當時司教等。在日路撒冷。商議殺害耶穌。耶穌知道受難之期已近。遂同宗徒等。從厄夫蘭

那。往日路撒冷。行步比素常更快。致宗徒們都驚訝。聖史瑪爾谷云。耶穌前行甚速。宗徒等隨之。又驚又怕。可想耶穌此行之速。一是顯其受難之甘心。二是爲顯他謙遜愛苦辱。凡遇苦辱的事。他必在前先受。三是爲引導他的門徒。在後追隨他。

早晨我們跪伏於上日路撒冷的耶穌足前。欽崇他的大勇大愛。願爲我們迎受苦難。以完全救贖我們的工程。求他賞賜。畧知他的心情。並肯提攜我們。使能追隨於他腳踪之後。

首分想。吾主爲表其受苦之甘心。雖在日路撒冷。惡黨所預備的苦。又重又多。吾主早已明知。到底不懼不避。且忻然迎之。吾主於有光榮的事。或身行之工。比如講道理。行奇蹟。療病救人。各等聖工。總是行步如常。不急不忙。及遇聽命受苦受死。其行反速者。並無別故。只因愛火

在心。催他速行也。大凡悅樂天主的事。肉身雖苦雖辱。吾主皆聽命樂受。噫。自愛的人。不是這樣。遇德路艱難。就退縮不前。遇有福榮之事。就爭先恐後。從此看來。我常辭苦就甘。是因我私愛填心。毫無愛主之意耳。噫。至善耶穌。你上日路撒冷受苦。爾行甚速。如去享大福一般。求爾以愛苦之聖火。燒熱我的冰心。鞭策我之惰行。催我快走爾所命之苦路。

二分想。吾主此去。在前行者。是要人知。每逢憂苦難行的事。吾主必親身先行。宗徒門弟。與致命聖人。皆在後追隨。及至行奇蹟。顯光榮之事。吾主則似遜讓於諸徒。昔日耶穌說過。我實向爾等說。凡信我者。將來行奇蹟。更超過我也。至於受苦難一節。獨有吾主。前無表率。後無人及。雖若伯聖人之困苦。辣匝祿之乞食。諸致命之大痛。先知之劇苦。不

及吾主萬一。主真爲衆聖之表率也。吁。良善的耶穌。爾之行爲。與世人之行爲。大不相同。世俗遇顯榮事則爭先。爾乃退後。世人遇安樂則爭取。爾遇苦辱則先行。求主賞我效爾愛苦之善表。爲愛爾之故。願受萬苦萬辱。超於普世之人也。

三分想。吾主欲令其門徒驚訝其忍耐。追隨其善表。吾主前行。宗徒在後。亦愛亦怕。而愛心終勝怕心。見主在前速行。不得不緊隨其後也。此亦爲教訓我等。該如何仰思耶穌之苦難。驚訝其苦辱。做效其善表。比如見基利斯督受鞭打。穿紅袍。戴茨冠。背十字架。等等苦辱。就可驚訝。如是大主。尚且樂受不辭。我等卑污罪人。豈不更當竭力。隨主腳踪。穿苦衣。繫苦帶。背十字。在人前行。緊隨耶穌之後麼。不可效伯多祿。在耶穌被拿時。就失志喪胆。遠遠追隨。不敢進前。我反要緊隨其後也。每

遇阻我隨主之事。一邊懇求天主聖佑幫助。一邊自己勉力。剷除各樣阻擋。以便快走德行之路。

我今定志。一。是凡遇有樂有榮之事。常存謙遜禮貌的心。讓人在前。二。是常仰瞻耶穌受苦的表樣。在尅私修德的苦路。勉力追隨耶穌之後。

日內短誦。吾主耶穌。求你用聖表的馨香。引我緊隨於爾之後。

嚴齋第一主日。瞻禮二。

題目。思執巴爾瑪枝。迎接基利斯督。進日路撒冷城。

前晚撮要

我等明日。默想耶穌騎驢進都城。按古教規。在巴斯掛瞻禮前五日。有迎牲喜慶的禮。吾主耶穌。是天主聖父所愛享的犧牲。於受難前五日。也要國民。權呼迎入都城。耶穌所以如是者。其愛情之故有

多端。一。是顯其受難之甘心。二。是顯在山園之憂懼。係其人性之下分。三。是教訓我等。爲承行天主聖意受苦。非羞辱的事。乃可喜慶之事也。

早晨我等亦如偕同當時衆民。神魂跪伏於耶穌前。欽崇他。讚頌他。是因天主聖父之名。而來救贖我等者。感謝其大愛之情。願爲我等受苦。以救我等。

首分想。吾主爲表其甘心受難。忻然進都。迎受苦難。如赴婚筵者。因其愛主光榮。熱切救人。至令每思當受的苦難。不勝喜樂。且將諸苦諸難。常擺列於目前。如現受一般。因此表樣。遂令許多致命聖人。進牢獄。如赴筵堂。臥安歇之床。噫。甘飴的耶穌。我每思爲爾受些苦辱。心甚爲難。我實不勝羞愧。爾乃吾樂之緣。求爾佑我。使我爲爾樂承苦辱。如爾

爲我之樂受一般。

二分想。吾主欲令人知道。他在山園內。驚怕傷痛。憂悶至死之情。是人靈下分。蓋懼怕苦辱。是人的常情。但主靈魂上分。仍是喜於受苦。謹遵聖父之命。願聽命至死。這是教訓我們。忍耐大德。不但甘心承受外面的苦勞。還當甘心忍耐心中的隱痛。可法保祿宗徒說。我樂爲基利斯督。居貧病。忍羞辱。受困苦。被謀害也。吾救世主。我亦願效法爾甘受世苦。禁止私慾。割斷邪樂。不許他阻我效法爾之善表。走爾苦路也。三分想。又是爲教人知道。爲承行天主聖意。修德行。受苦辱。在天主台前。及天神聖人跟前。不但不是下賤的事。反是無比的尊榮。故此遇着或苦或辱。不可害羞。亦不可無奈何忍受。該當喜權承受。殺人放火。竊盜之人。一經事露。而受五刑之辱。那是真羞辱。求主不許我遭此罪。

惡之辱。爲義爲主受苦受辱。係吾主之光榮。亦我之光榮也。我甘心盼望領受。再者。吾主盼望受苦受辱之心。有加靡已。吾主此番。進日路撒冷。前呼後擁。榮耀非常者。是爲後日之受辱。愈大也。因受榮而後受辱。則辱更甚也。吾主平素。躲避人之尊榮。今所以受人光榮者。是爲後日受凌辱。愈大愈重也。我甘美也。耶穌。爾愛苦辱無厭。我深謝爾。懇求爾。賞我亦願爲爾受辱。雖居顯榮之中。亦不失愛受羞辱之志。

我今定志。一。是歡心讚頌耶穌。跪求耶穌。肯入居我心中。不許我再犯大罪。逐出耶穌。二。是願順天主聖命。受苦受辱。以顯天主光榮。日內短誦。我情願同耶穌基利斯督。安受苦辱。

嚴齋第一主日。瞻禮三。

題目。思基利斯督。望日。路撒冷城。流淚痛哭。

前晚撮要我等明日。默想耶穌。望都城痛哭。思耶穌之苦心。愛情熱切。願人有福。憐憫人之禍患。當日入都時。士民迎送。執巴爾瑪枝。高歌讚頌。身在光榮之際。念及後來。日路撒冷受罰之慘。遂不禁傷心痛哭。其哭之故有三。一。是訓我等輕世俗之虛榮。二。是因愛人之切。三。是痛哭罪人之昏愚。

早晨小引我等跪伏於痛哭傷心之耶穌足前。欽崇其大仁大愛。與人同樂同憂。雖罪人不知自己罪惡之禍患。不知痛哭。而耶穌全知全善。先代爲之傷心痛哭。我等求他施恩。萬勿許魔鬼。蒙蔽我等神目。不識罪惡之禍患也。

首分想。吾主爲立輕世之表。將世間的榮華讚揚。俱不放在心上。故當萬民歡呼。頌聲喧天之時。而吾主乃痛苦流淚。悲傷於大喜大榮之

日。豈不是輕慢世俗的明據麼。

二分想。耶穌這次悲傷。特由無限愛情所發。因為想到自己之受苦受辱。原為救贖眾人靈魂。乃有多人。負此大恩。不用其苦難的功勞。自暴自棄。自尋喪亡。聖心大痛。故不覺汪然下淚也。按聖史路加所載。不只公說一個哭字。而云望城而哭。這明是為教我們知道。耶穌不是哭己之苦。乃忘却自己之苦辱。而哭此城之兇惡。哭其弑主之罪。並哭其因罪將受之罰也。其種種罪惡。及所招之罰。全列於耶穌之前。神目一見。不覺痛傷下淚。嗚呼。甘飴之耶穌。誰能像你仁愛的心腸也。愛人勝於愛己。至於忘了自己的苦。哭人之罪。悲人之罰。這是何等的仁愛。吁。當大榮大慶之中。竟致使主傷痛流淚。可知罪的兇惡。是何等重大。噫。我的靈魂。你看罪的兇惡。竟使天主耶穌。痛哭流淚。你還不憐恤耶穌。

全心痛恨爾罪之兇惡麼。

三分想。基利斯督。見日路撒冷都中。善人無多。惡人無數。吾主哀其昏愚。悲其罪惡。知其不久。人將逃散。城將傾頽。此時並預見普世。善惡雜處。惡人罪狀。並將受之罰。主哭其罪。亦併哭其罰也。又可想當時吾主。亦哭我罪矣。蓋我罪亦在當時聖目之中。噫。我救世主。我今深痛我罪。乃爾痛爾苦之緣由。自今以後。我要勉力。哭我之罪。斷絕罪根。我犯罪。我當流淚。求主賞我流淚痛哭。必至得蒙赦罪之恩。心定神清而後已也。

我今定志。一。是輕慢世俗虛暫的光榮。二。是深信罪惡是極兇之禍。用心躲避。

日內短誦。吾主耶穌。賜我能輕世俗榮華。常存悔罪之心。

嚴齋第一主日。瞻禮四。

題 目 思 基 利 斯 督 赴 白 大 尼 亞 之 筵。

前晚撮要

我等明日。默想耶穌在白大尼亞赴筵。辣匝祿之妹。瑪爾大。在席

前服事。瑪達肋納。以寶瓶注香液。傅耶穌之足。又破其瓶。盡傾香液於耶穌之首。馨香滿室。我等宜效瑪達肋納。將我等心情。及所愛重之物。全獻於耶穌。以報耶穌之恩。

早晨小引

我等以神魂。同聖瑪達肋納。跪伏耶穌足前。流痛悔之淚。以洗耶

穌之足。發愛情之香液。傅耶穌之聖首。斷除犯罪之事。破毀我等犯罪之三司五官。如保祿宗徒所訓。將從前犯罪之三司五官。改變爲立功敬主之具。以發善表之馨香。引人皆讚揚吾主耶穌也。

首分想。 瑪利亞瑪大肋納。兩次抹敷耶穌。初次於回頭之時。爲得罪

赦之恩。此次於席筵之間。爲報耶穌復活其兄之恩也。瑪大肋納。伏在耶穌足下。以淚洗主之足。以髮拭之。其愛火十分炎熱。乃傾注貴重香液。還不快心。竟至將瓶打碎。盡注於耶穌之首。玉瓶貴液。全爲主用。半點不留爲己用矣。如此大愛盛情。吾主聖目視之。和顏悅色。見其外。更見其內。聖心甚樂。吾主亦望教中信友。效法此聖婦之行。將己所有。雖是最貴重之物。亦甘心盡獻於主。以報赦罪活靈之恩。就如聖婦。兩次注香液於吾主可也。

二分想。我今將我之寶瓶。滿注神香。去傳吾主。我之寶瓶。就是我心身也。當碎之以尅苦。洗之以痛淚。尅我意。去我貪。使我心身。滿注純誠上品之香液。就是滿貯熱愛。謙遜。忠信。良善。等德。爲能合宗徒保祿所說。愛當從潔淨之心。良善之心。忠信。無僞之心而發。我當用此神液。

敬敷吾主耶穌。先敷其足。而後敷其首。就是先思主之人性。謙卑尅己。勉力效法。這是敷足之意。其次仰思天主聖性之貴。是如敷其首也。末後且喜且感。其人性天主性所賞之諸恩。這又是傳其四肢全身也。吁。最甘飴之耶穌。爾是真天主。亦是真人。我這脆瓶所有的微善。皆爾所賜。我願捨生致命。以報爾也。

三分想。聖婦瑪大肋納。將瓶打破。液出香騰。馨香滿室。又表聖教會之貞潔堅固。諸會修院德修之馨香。所以我當立志修德。如保祿宗徒所說。成基利斯督之香味。遍滿普世。使他人聞之。亦勉力修德行善也。我今定志。一。是將心中所愛重的人物。全如祭品獻了。專心愛耶穌。二。勉力用香表之馨香。引人亦敬愛耶穌。

日內短誦。求主賜我以悔罪之淚。洗爾聖足。

嚴齋第一主日。瞻禮五。

題 目 思 茹 達 斯。三十銀錢。賣耶穌。

前晚撮要 我等明日。默想耶穌。被茹達斯負賣以三十銀錢。茹達斯。因不尅貪財之情。魔入其心。往謂司教者曰。爾等與我錢幾何。我能使爾等拿獲耶穌。司教者大喜。約與三十銀錢。茹達斯遂找機會。交付耶穌。我等可想。被賣的是何等尊貴。被賣的緣故。一。是爲從魔鬼手。贖出我們來。二。是爲立謙德之表。情願被賣如一賤僕。

早晨小引 我等跪伏。於被賣的耶穌足下。欽崇他。爲我等受被賣的羞辱。懇求他。以被賣之價。從魔鬼手內。贖出我等。永爲他的奴僕。以奉事他。又求他不許貪財之情。入我等之心。至因貪不公道的財物。犯了天主的誠命。

首分想。被辱賣者。不是平常之人。乃耶穌基利斯督。活天主子。萬有之主。萬王之王。其性純妙。無言可言。其尊無對。其價值無限也。因其無限愛情。自天降世。用己寶血。救贖普世之人。使我等重新。復得因犯罪所失的聖光聖寵。得脫爲奴之苦。蓋人犯罪。就是自賣於魔鬼爲奴。如依撒意亞所說。你白白的自賣。白白的得贖。未用你的銀錢。未用你的苦辱也。噫。你的至尊天主。萬民恩主。被賣如奴僕。用己之苦辱。贖出你來。你還敢再犯罪麼。

二分想。耶穌爲何緣故。受此苦辱。第一緣故。是爲贖我往日所犯的罪。人既犯罪。就是把自己的靈魂。賣給魔鬼。大大侮辱天主。吁。贖我之主。我如亞加斯說。我在爾面前。行了多多罪惡。這就是我自賣。我又如聖經上之惡僕。欠主債很多。本當自賣我。以還我債。我的靈魂。你背犯

十誠。就是結了罪惡的債。但我的恩主。你既願自己已被賣。以贖我罪債。求你赦我罪。免我債。用你被賣的寶價。替償我債。不許我再犯罪惡。再累罪債也。

三分想。第二緣故。是爲我等立一出奇謙德之表。吾主爲我的緣故。取人之性。奴僕之像。故也要被賣如奴。噫。甘飴之耶穌。你想出了多少奇方。自卑自下。爲治我驕傲的毛病。我今求主。壓伏我的驕傲。以承行你的聖意。使我效法你的真謙。以滿我願也。

我今定志。一。總不敢貪不公道之財。二。情願捨棄一切所有。以買得耶穌。爲我永遠之寶藏。

日內短誦。吾慈悲之主。耶穌基利斯督。求以爾之寶價。救贖我。

嚴齋第一主日。瞻禮六。

題目 思一兵卒。用槍刺耶穌胸肋。

前晚 我等明日。默想耶穌死後。肋旁受鉄鎗之刺。維時吾主耶穌。死於
撮要 十字架上。如德義。因次日係大瞻禮。不願屍存於架上。欲折斷其脛。
使之速死。兵卒既折斷二盜脛骨。到耶穌前。見其已死。遂不斷其脛。
一卒持鉄鎗。刺透耶穌肋旁。血水迸流。此係惡人之狠心。欲肆其凌
辱之意。然實亦耶穌。欲顯其愛我等之心。雖死猶不滿其愛。死後尙
欲爲我等受苦。將其所有寶血。全爲我等流出。又爲開其胸肋。使我
等能入其聖心中。做我等避難之所也。

早晨 我等跪伏於十字架下。欽崇爲我等受刺肋之耶穌。以神魂。入於
小引 耶穌肋傷孔內。細看耶穌聖心。是如何愛我等。好感發我等之愛情。
以愛耶穌。

首分想。兵丁刺耶穌胸肋之故。是逞其兇橫。若未死。即令其快死。若已死。則加其凌辱。因未折斷其脚脛。故刺其胸也。此鎗之刺。吾主不覺其痛。蓋已死矣。但耶穌雖不痛。而聖母愛子之盛情。其心不勝痛矣。因其心與聖子緊相結合。如已親受的一般。昔日聖西默盎。曾向聖母云。將有利刃。刺透爾心。今其言實應驗矣。保祿宗徒說。吾樂爲耶穌受苦。蓋吾主所未曾受過之苦辱。吾今爲其聖教會。替主受以成全之。今吾主死後。聖母真替受其所不覺之痛也。噫。至尊童貞之母。爾將爾苦痛。奉獻於聖父。爲保護其聖教會。爾爲聖教會。奉獻爾苦。亦是爲我奉獻。因我乃聖教會之一肢也。我罪乃爾子被刺之故。求爾轉達扶佑。刺透我心。使我亦如爾。同覺爾子之痛。少分爾之痛苦也。

二分想。吾主心胸被刺之故。是願各肢。都受痛苦。不許一肢得脫免。

也。背受鞭打。頭受茨冠。手足被釘。還不滿足。必欲足胸被刺。以補世人五官所犯之罪。特更補心思邪念之罪。耶穌說過。不是進口之物。污穢人。乃是出口之物。就是惡言污語。污人害人也。吾主竟願大開己胸。生命之穴。爲教我流出心中之毒。以生活我也。噫。救我之主。以爾心傷。赦我心中之諸罪。再求吾主。閉我心門。不使生活污穢之念。敗壞我之靈性。惟教我發生善念。以得常生也。

三分想。至善耶穌。欲表其愛人之切。自生至死。所言所行。皆爲愛人而行。故今大開其心。連心血亦爲我流盡。如古經之言曰。吾妹。爾傷我心矣。吾配。爾刺我心矣。夫兩次言傷者。是表其重疊之愛也。噫。極可愛之耶穌。我之救贖。我之仁兄。我之忠友。爾爲我受刺胸穿心之苦。我何以報爾之恩耶。求爾以愛火之箭。射透我之硬心。使我愛爾。以報爾之

盛愛。大發憐憫之心。以報爾爲我所受之苦辱。求爾容我。進爾聖心愛火爐中。俾我全心愛爾。 亞孟。

我今定志。一。爲敬耶穌心膺受刺。是爲補贖我心中犯罪的緣故。定志總不敢思念有罪的事。二。覺得有邪魔誘惑。急速奔入耶穌肋傷之內。爲避難之所。

日內短誦。 吁。耶穌。爾大開爾心。欲收納我。我願入爾聖心。嘗爾聖愛的甘美。

嚴齋第一主日。瞻禮七。

題 思耶穌食巴斯卦羔羊。

前晚 撮要 我等明日。默想耶穌同宗徒。食巴斯卦羔羊之禮。吾主耶穌。全守古教之規。此番行巴斯卦。其聖愛又更熾切矣。蓋此夕。要建立其無

限大愛之聖體聖事也。此日是最末一次。同其所愛衆徒。同席飲食。食此之後。即去爲人受死矣。我等可想耶穌心中。是具何等情腸。亦求耶穌。賜我等發要緊之善情。即是活潑信德。熱切愛德。及聽命之德。爲能妥當以赴聖體之神筵。

早晨 我等以神魂。如與耶穌同食此筵。見耶穌因愛火內熾。其聖面發光。又聞耶穌所說。無限愛情之言。並說自己要去受死。以完全救贖之工。我等跪伏於地。傷心流淚。不忍仰視耶穌之聖容。惟切心以愛此大恩主。求其不捨棄我等。

首分想。吾主是何等樣謹守古教的規誡。雖知在日路撒冷。將被拿被釘而死。而吾主聽命至死。亦要往日路撒冷。食巴斯卦羔羊。再思善聽命之人。必預備聽命之善法。如吾主先備過巴斯卦之要物。這是告

訴我們知道。該預備着。常是現成。以遵上司之命。又爲羞愧我們。因吾主在最難忍受之事。還是甘心聽命。我在容易的命上。竟不肯聽命。不肯守誠。豈不羞愧麼。古經云。先該預備要用的材料。次再界劃其地基。然後興工。蓋造房屋。纔算爲妥備。若不先置辦材料。諸事皆不能辦理妥當。你若不先苦你的心志。則不能修德。不能立功也。思之思之。

二分想。吾主於衆徒中。特選二位愛徒。於信德。愛德。聽命之德。特超出衆人之上者。即伯多祿若望也。主命此二人。先往替主預辦。過巴斯卦瞻禮。食此羔羊聖祭。這是教訓我們。願意妥當領主聖體。食新教至潔之羔羊。先當預備神形潔淨。割斷一切俗事。更當有伯多祿的信德。若望的愛德。並二位的聽命。有此三德。纔是你靈魂的妥備。噫。除免世罪之羔羊。祭爾享爾之處。必當陳設華麗。求主自天。賜我聖佑。賞我這

貧乏靈魂。一個活潑信德。熱切愛德。快速聽命。有此三德。預備我的心堂。以迎我主。以領神糧。方爲妥當。若主不自天眷顧。我萬不能妥當預備以領爾也。

三分想。吾主告訴家主之言。是何等溫柔之言。云我時已至矣。我要同我門徒。在爾家過巴斯卦瞻禮。耶穌這話。大動主人之心。立刻淨飾大廳一座。爲使耶穌在彼。慶巴斯卦瞻禮。且合家都來服事。嗚呼。至上之神師。吾主。吾救世之恩主。爾言感動人心。真是神妙無比。言出即行。你昔日所說的話。如今向我說罷。說吾時至矣。要在爾心中。同我門徒。慶巴斯卦瞻禮。噫。我救世之主。爾願分爾受難鴻功。進我心中。在我心。作巴斯卦瞻禮。巴斯卦解說。是過去。是從塵世之境過去。而入於天上之境。此真有福之時也。甘飴救世之主。請爾攜帶諸德。進我心靈。慶賀

巴斯卦。設此天筵。我不但獻我靈之一分。還欲將我全靈。盡獻於主。因我靈非我當居之所。乃爾應居之所也。若能修飾敬備。作爾永居之所。是則我之大福也。

我今定志。今日敬獻我心。請耶穌入我心中。行巴斯卦禮。使我心情脫離世俗。勤想天上之事。

日內短誦。吾主。我願獻我之心。爲爾歡宴之所。

嚴齋第二主日。

題目 思耶穌濯宗徒之足。

前晚撮要 我等明日。默想耶穌親濯宗徒等之足。受難前一夕。晚餐時。耶穌知受難之期已至。將離世歸於聖父。向愛其徒。至此愛之更切。乃離席。脫去表衣。以悅繫腰。注水於盆。親手洗門徒之足。我等該想。耶穌

是天主聖父的真子。諸天神之王。今跪伏在愚魯門徒之前。親手洗其污濁之脚。行此大愛大謙之事。無非爲給我等立表。欲令我等。相愛相謙讓。行愛德謙下之事也。該求耶穌賜我等。能深入謙遜之情。甘願爲衆人之役也。

早晨引我等跪伏。欽崇最謙遜之耶穌。以神目見其匍匐於門徒足前。親手洗門徒等之足。我等可同天神。及聖伯多祿。驚惶戰慄曰。吾主。爾乃天主子。爾洗泥土賤人之足耶。此何事耶。爾有何意耶。

首分想。謹按聖若望宗徒所錄。用心細想其情理光景。吾主爲天地之主宰。親身洗門徒之足。其自謙是如何大也。因謙德之大小。在乎地位之尊卑。自屈者位越高。則謙越深。謙越深。則德越大。而吾主有兩性。人而天主也。論其天主性。在天諸神。皆伏其足下。虔恭朝拜。頌揚不已。

論其人性。亦是尊高無比。按天主教性。則以光耀爲衣。勇德束腰。親手造成萬有。按人性。今則脫其表衣。以布束腰。伏身於門徒等之足下。不亦太謙乎。再按聖史所說。吾主乃上智之庫。其知無限。知己之尊位。知徒之卑賤。又知人心之隱微。並知善徒之驚惶。惡徒之負賣。其德能實係無限無量。因聖父將所有之德能。全付於聖子。蓋吾主自無始。生於聖父也。即其人性。因與天主緊相結合。亦是真正天主之子。自有天主子無限之德能。爲救贖人類。從天降生在世。死後復歸於天。坐於聖父右邊。此等情節。吾主俱深自知之。到底仍要自卑自下。行此至卑賤之役。以合聖經所云。爾位愈高。愈宜自謙也。噫。吾主。爾尊貴如此無限。爾謙遜如此無比。真正羞煞我這驕傲的賤人了。天主真子。來自天主。去歸天主。竟取僕像以自貶。我乃招主義怒之子。魔鬼之奴。出自灰土。死歸

灰土。尙敢自尊自大。欲人事奉如主。真真可怪也。噫。至謙之耶穌。求爾壓伏我之驕傲。賞我常存謙下之心。

二分想。可想吾主至極之謙遜。又極欣勤。親身獨行此事。以顯其愛。並不用人相助。吾主離席。自行脫去表衣。以帨繫腰。注水於盤。親手端至各門徒跟前。雙膝跪下。親手洗其污濁之足。且以圍腰之帨拭之。面帶喜愛。不勝悅樂之色。如此賤役之事。不教一人幫助。一爲表其盛愛。一爲立此善表。教我們凡遇行謙愛之工。當親身去行。比令人代行更好。每逢卑下本分。或服事別人。不可害羞。亦不可有矜誇之意。噫。可愛神師。爾行此之際。口雖不言。不啻大聲教訓我等說。你們該效法我這良善心謙。吾主。求你賞我這良善心。謙遜行。以樂爾聖心。蓋良善謙遜之行。常樂主心也。

三分想。洗足之外禮。已是謙愛之至。而心內所存的神意。更是難言。因吾主本是榮光之王。爲救贖人類。脫去其光榮。自貶自下。甘取人之卑像。以能受傷的肉身。自束縛。又在加爾瓦畧山上。被剝去衣服。懸釘於十字架上。聖血傾流。又將聖體聖血。束縛存留於聖事。些微麪酒形內。以洗我罪。以潔我靈。令我得常生不死也。噫。常生常王之主。我受你這些恩典。何能仰報。我願去我驕傲。勉力尅苦。你旣爲我傾血致命。就使我亦傾血致命。亦不能報爾於萬分之一。還該自謙曰。無用之僕。行所當行而已。

我今定志。一。今日要勉力。脫去我浮華的服飾。二。要尋機會。行點謙下的事。以效法耶穌的聖表。

日內短誦。心中勤誦耶穌之聖訓。曰。宜法子。子良善而心謙。

嚴齋第二主日。瞻禮二。

題目 思耶穌往日色瑪尼亞園。心中憂苦。

前晚 撮要 我等明日。默想耶穌往山園祈禱。晚餐一畢。耶穌偕十一宗徒。照常過則多樂溪。往日色瑪尼亞園祈禱。我等可想。耶穌是何等恒心。行其素有的神功。雖知大難已來。仍不改其常。且特意仍到茹達斯所知之處。以待拿縛。使我等知其甘心受死。不肯躲避也。噫。則多樂之溪。爲吾主真是苦水之溪。日色瑪尼亞園。爲吾主真是愁雲憂悶之園。原祖在地堂之園。敗壞人類的事。被逐出地堂。今吾主入憂苦之園。爲辦理救贖人類的事。使得入於天堂。此園之菓。爲吾主是苦命之菓。爲我等則是長生之菓也。

早晨 小引 我等跪伏欽崇。前往山園之耶穌。以神魂之耳。細聽耶穌途中。向

宗徒之言曰。吾靈憂悶至死。然耶穌仍勇敢前行。懇求耶穌。伸手提攜我等。使能追隨他。深入於其苦難中。略知其苦。是何等之深也。

首分想。吾主爲表明其講道之後。不廢素日所行之善工。離開衆人。往僻靜山林之中。以便作祈禱之神工也。大哉吾主之心志。大苦大難。不能阻其善行。席間多言開導宗徒們。飯後又誦聖咏。以謝主恩。遂直往山園。如往福地一般。我則反是。偶遇些小不順心之事。就廢棄當行的善工。連祈禱亦常缺悞。我真該羞愧。依理而論。遇見難行的事。更當祈禱。有大難臨身。更當熱切求主聖佑也。

二分想。吾主耶穌。特選城外山園。爲自己已被拿之處。爲免房主鄰右。同受牽連之害也。吾主又故意。到茹達斯所知之處。爲教人知道。他不避艱難。甘受苦難。非以鉄練被縛。是以愛情聽命之練被縛也。所以晚

餐之後。向門徒們說。爲教世人知道。我愛聖父。凡聖父所命之事。我都要一一遵行。咱們起來去罷。吁。甘飴之耶穌。求你賞我這樣愛情聽命。不辭勞苦。樂隨爾之腳踪。以走苦路也。

三分想。吾主又欲明示。當初原祖。犯罪背命之禍。是從地堂園中。放縱私欲驕傲而起。今日吾主。欲成救贖之工。亦願從阿利瓦園中起首。被拿受辱也。此溪爲耶穌。真是一痛苦湧流之溪。而爲我人。真是仁愛之大河。此時萬苦。俱列於吾主目前。深入其心。到底仍不退避。依然偕徒前往。大顯其愛。吁。救世之主。求爾許我。緊隨爾後。偕爾過則多藥之溪。此地爲爾是痛苦之溪。爲我則是阿利瓦仁愛之川也。

我今定志。一。雖遇憂苦。總不斷素日之神工。二。凡天主聖意。或長上所命的事。雖逆心不願行。仍要勉力奉行。

日內短誦。 吁。吾主耶穌。求爾伸手提拔我。使我追隨爾於苦路。不肯退也。

嚴齋第二主日。瞻禮三。

題 思耶穌山園祈禱。

前晚撮要 我等明日。默想耶穌山園祈禱。耶穌既至山園向宗徒曰。爾等在此。偕予醒寤祈禱。免陷於誘惑。乃獨前行。離拋石之遠。跪伏祈求天主聖父。是教訓我等。一。有憂苦之時。非是同人閒談。可以解憂。乃是祈禱。同天主言談。方可有益。二。祈禱是退誘惑。及迎受苦難的善法。三。耶穌命宗徒。同他醒寤祈禱。是耶穌常同寤禱者相偕。我等不能徹夜寤禱。至少於臨睡之前。當存想明晨當默想之端。夜間遇有醒寤時。即舉心向主。記念吾主耶穌。在山園。爲我等深夜祈禱也。

早晨。我等欽崇。在山園祈禱之耶穌。我等跪於耶穌之後。心中懇求耶穌。賜我恩佑。不致昏睡。能同彼祈禱。更求他攜帶。使我等之祈禱。上通於天主聖父臺前也。

首分想。吾主耶穌。以言以行。教訓我們。凡遇苦難之時。不可找入人羣。閒談解憂。惟宜離開人羣。找僻靜之所。祈禱誦經。求主之安慰也。吾主。惟爾真爲我之安慰。能解我憂。能減我苦。我從今以後。遇着苦患之時。再不去找人的安慰。求人的權樂。惟謹遵雅各伯宗徒所訓曰。爾中誰有憂愁。宜前往祈禱天主。求主撫慰。一定蒙主安慰也。昔日達味聖王。蒙主安慰之後。心中大樂。忻慰曰。遇難之日。我心無慰。一尋天主。即覺無限忻慰也。

二分想。祈禱乃退除誘惑。躲避患難。最善之法。故此一覺誘惑到來。

當立刻去祈禱。倚靠天主之聖佑。夫祈禱。不是爲使誘感不來。是爲不隨誘感。而落於罪。故耶穌曰。免陷於誘感也。吾人往往受些誘感。遭些苦難。更是有益。因祈禱能扶助我。不陷於罪惡。或不幸犯了罪過。亦不致失望。仰賴天主的扶佑。還能悔過自新。況且誘感。是時時有的。亦是處處有的。故宜常常祈求天主說。主萬勿許我。陷於誘感之中也。

三分想。該按吾主偕我寤禱之言。細想其中之神意。這句話的本意。是說我長醒不寐。你當效法我。亦不可寐也。這是告訴我們。吾主與寤者同寤。與禱者同禱。故或醒或禱。當合主同作也。吾主乃我之師。我之友。我既有這樣好友伴。爲何不忻然醒寤同禱呢。甘飴之耶穌。求爾扶佑我。常合爾醒寤祈禱。晝以苦勞。夜以誦禱。或晝或夜。皆爲遵行爾命。蓋爾爲愛我之故。常寤常禱。常勞常苦。我不當爲爾。常醒寤。常祈禱麼。

再思吾主尅己之德。免強離開宗徒。去行祈禱之苦工。因人的本性。遇着苦難的事。必願到親友跟前。訴說苦情。以解憂悶。吾主亦是真人。亦有此情。但主奮然尅制。勉離可愛之徒。以便至僻靜之處。行祈禱之工。吾主。我求你賞我。勉力脫去世俗的權樂。如嬰兒脫去乳母之懷。奉獻我身。以行祈禱。以求識聖意。而承行主旨。

我今定志。一。不找人前的安慰。單找天主的安慰。二。夜間醒來。勉力舉心向天主。以發善情。

日內短誦。吾主耶穌。今以我之所禱。連合於爾。求爾轉獻於聖父。

嚴齋第二主日。瞻禮四。

題目 思吾主耶穌在山園。出流汗血。

前晚 撮要 我等明日。默想耶穌出流汗血。耶穌在山園。憂苦愈深。祈禱工夫

愈長。乃遍體汗血流地。想此血汗之故。一。是因吾主。明知當受之苦。極兇極慘。其人性的下分。不能不畏。故周身之血。歸於心以護之。而其上分。又因愛情。欲爲人受苦受死。鼓勇其心。使血歸於四肢。壯其力。以迎受苦難。因愛情猛烈。血遂從毛孔衝出也。我等可思吾主之大愛。致週身出血。真如蜜蠟之樹矣。又因我等週身犯罪。故致耶穌週身流血也。

早晨 我等跪伏欽崇。爲我等流汗血之耶穌。憐憫其憂苦。又悔恨我等之罪。求他寬恕。以其所流血汗。洗潔我等之靈魂。

首分想。吾主耶穌。明知大難已近。死在眼前。憂懼之苦。最深最重。蓋因明悟中。深知受難的慘苦。人性下分。憂懼難堪。而其靈性之上分。又思受難之益。能救贖世人。以補還天主之光榮。遂大發熱愛之情。以振

起其心志。兩情交迫。以致憂悶至死。汗血併流於地也。吁。耶穌。爾有全能。爾乃神勇。爲去此難。何勞爾如此憂苦耶。想是你的聖愛。願爲我多受苦難。故於諸難未到之前。即明悟中。先受其苦。又爲給我立表。於克私修德之路。當奮勇直前。雖至血流。亦不辭也。我今謝爾。求爾佑我。奮勇攻敵三仇。克治我之私欲。因戰勝三仇的善法。就在效法吾主。爲克我心之憂亂。爲去修德之畏懼。謹將吾主之苦難。貧窮。困苦。擺列於我之目前。爲光榮天主。爲救我靈魂。必要勉力尅治肉情。禁止私慾。使我一身。全合主旨。雖至流血。亦不敢畏難偷安。順從私慾。

二分想。可思吾主愛情之盛大。甘心爲我受傷傾血。真如聖經所說。蜜蠟之樹。先自滴流蜜蠟。若至刺身。或剝皮。則湧流不止矣。吾主亦是這樣。不等受難時。纔出流聖血。先以心思。充滿熱愛之情。將後來要受

的苦。今一時同受。竟如身已被縛。被鞭被釘。受茨冠。受釘傷。醋飲胆。斷氣而終。吁。不俟惡衆之刑戮。自己先願流其寶血。以爲吾人之益。其愛情真不可名言矣。吁。蜜蠟聖木。不等仇人刺爾身。剝爾皮。爾就先自破裂滴流蜜蠟矣。我感謝爾之聖愛。願效法爾。將爾爲我所流之聖血。謹存不捨。好能沉思爾苦。使我手亦流上等之蜜蠟。就是勉修尅苦之德。勤作補贖之工。求爾聖佑扶助。以行我志。以滿我願也。

三分分。吾主衝流聖血之故。亦是因我們。是聖教會的肢體。因重大罪惡。全體被傷。吾主是聖教會之元首。願吞服憂痛之苦藥。至於通身出流汗血。以療全身之病傷。吾主明知我罪之重大。非只流淚痛哭。還將己之血汗。併流注地也。噫。至聖寶血。爲我罪之故。流注於地。巴不得我當了血地。以爾寶血。潤我洗我。成一潔淨之人也。我可愛的耶穌。求

爾以聖血。洗我靈魂。赦我諸罪。至少賞賜一滴。滋潤我心之枯乾。因爾一滴聖血。亦足救我。並能救普世也。大哉爾之愛火。無邊無涯。誰能以無限之愛情愛爾乎。巴不得我身全是心。以愛爾無限之愛情。全是口舌。以讚爾無窮仁之愛。全是眼淚。以洗我無量之罪惡。

我今定志。一。爲退魔誘。爲克私慾。雖當流血。亦不推辭。二。今日行點尅苦善工。以報耶穌爲我流血之恩。

日內短誦。吾主耶穌。願以爾所流聖血。洗我靈魂之罪污。

嚴齋第二主日。瞻禮五。

題 目 思 茹 達 斯 領 惡 黨 拿 耶 穌。

前晚撮要 我等明日。默想茹達斯領惡黨拿耶穌。耶穌正與宗徒們說。出迎患難。茹達斯。十二宗徒之一。領兵卒。持燈炬兵器。來拿耶穌。茹達斯

預先告訴惡黨說。我所親禮者即是。當急擒而慎守之。遂到耶穌前行禮曰。亞物吾師。耶穌謂之曰。吾友。爾來此何爲。茹達爾以親禮爲暗號。負賣人子耶。我等可想。茹達斯之兇惡詭詐。以耶穌之宗徒。成拿耶穌之頭目。且以親愛之禮。行其狠毒之心。再想耶穌之良善愛情。仍是欲感動茹達斯回頭。以救其靈。故呼之爲友。且明說破其詭計。以驚醒之。而茹達斯終不回頭。我等當求主。萬勿許我等。落於如此硬心地步。致喪靈魂也。

早晨我等跪伏欽崇。良善之耶穌。神目中。似見茹達斯。上前假行親愛之禮。又似聞耶穌。以極良善慈愛之言。問茹達斯曰。吾友。爾至此何爲。懇求耶穌。以慈愛之聲。動我等之心。回頭痛哭我等之罪。首分想。可思魔鬼。誘惑茹達斯。是用了多少詭計。來拿耶穌。兵役等

是何等殘虐。茹達斯又是何等詭詐。用口親之禮。掩飾自己之過。更可恨者。是他剛離了耶穌門下。就變成大仇。作惡黨的頭目。指授惡黨捕拿之法。惟恐交付不了耶穌。得不了那三十銀錢。再想茹達斯。喪盡良心。全失廉恥。知道耶穌常去祈禱之地。用此爲賣耶穌之機會。行親愛之禮。作賣主之號。真是可恨。於此可想天主之聖意。真是莫測。我當害怕。求主萬不可捨棄我。以致借行善之機會。作犯罪的地步。自取罪罰。走茹達斯所走之路也。

二分想。可思吾主良善之德。茹達斯受主之恩。無限無量。然他不但報。竟至負賣恩主。况茹達斯之狠心。吾主早已明明知道。仍許他近前行親愛之禮。噫。至良善之耶穌。這樣惡人毒口。爲何還許他。親爾聖面。何不自天降火以焚之。暴裂其口。但爾無限愛情。不肯降火焚之。尙

欲以愛火暖之。令其悔改前非也。由此觀之。我們該當放心。倚靠天主仁愛。他既不辭茹達斯詭詐之毒口。更不棄我罪人悔過之口。親愛之情也。昔者耶穌領受瑪大肋納親足之誠禮。今亦不辭茹達斯親面之假禮。皆大顯耶穌之良善也。且耶穌叫茹達斯曰吾友。並許他近前。以口親之。彷彿不知他來的爲頭。就說吾友。你作什麼來了。又似說。你可記得。你是我的愛友。我亦待你如愛友一般。你今雖爲我仇。我仍盼望你。爲我之愛友。你若真心回頭。我仍忻然赦爾之罪。收爾爲徒。你今對我說罷。你爲何至此。噫。茹達斯的兇惡無比。毫不動心。竟負賣耶穌。而耶穌仍是良善待之。主之愛情。真是可讚頌無已也。

三分想。吾主平安婉言。說破茹達斯之來意。爲教他知過改過。故云茹達以親禮。付人子耶。夫親禮。是至親愛之禮。爾以至親愛之禮。行至

慘毒之事耶。爾用平和之禮。來謀害我耶。且吾主呼茹達斯之名。以表親愛熟識之情。到底不露自己之名。只說人子二字。乃自謙之德也。吾主用盡心力。以柔其心。可歎全都無益。他竟怙惡不改。上前以行禮爲暗號。先在惡黨之前。及親禮已畢。就退入惡黨之中。以自隱藏。吁。惡徒如此之行。我等萬勿效之也。

我今定志。一。總不敢以行善之假貌。去行惡事。進堂時。總不故意存想惡念。二。有人得罪我。勉力良善忍耐。不報仇。

日內短誦。吾主。吾恩主。求爾以慈善之聲。動我頑硬之心。

嚴齋第二主日。瞻禮六。此日恭敬耶穌聖殮。

題目 思卸下聖屍。

前晚 我等明日。默想卸下耶穌聖屍敬殮。耶穌既死於十字架上。有義人

若瑟阨利瑪弟益。入見比辣多。請准卸屍埋葬。遂買備新布成殮。又有尼各德睦。亦攜香料百斤。前來助理。遂將聖尸。敬謹卸下。傅以香料。裹以新白布。一。可讚天主之慈。使二人相助。成此善功聖事。二。兩人俱是義德之人。又各奉獻厚禮。以殮耶穌。三。想聖母接抱聖尸。口親耶穌之聖傷。是何等傷心哀痛。

早晨

小引我等跪伏欽崇。爲我等已死之耶穌。如聖瑪大肋納。跪抱敬親耶穌之聖足。認是因我等之罪。致耶穌受此慘苦之死。悔恨我等之罪。以我等之愛情痛淚。如水和香料。以洗耶穌之聖屍。

首分想。天主之聖慈。照顧善人於艱難之際。當時耶穌聖屍。懸於十字架上。爲聖母及諸善人之大辱。熱心婦女等。怕觸惡黨之怒。遙立遠望。不敢近前。聖母。聖若望。聖瑪達肋納。雖侍立架旁。傷心痛泣。亦不知

如何。可能卸下聖屍。如禮埋葬。又怕惡黨將聖屍殘毀。正在愁苦爲難之際。有義人若瑟。厄利瑪弟。盜到來。敬卸聖屍。大慰聖母之心。又有一尊貴義人。尼各德睦。亦是耶穌暗中之徒。來幫助若瑟。埋葬耶穌。蓋天主深知愛德之工。當有二人相助。彼此勸勉也。若瑟一見尼格德睦來。把那怕懼之心。全然開釋。尼各德睦亦因若瑟之善表。感動心志。二人共相濟助。以成其工。正合聖經之言曰。弟兄相助。力勝堅城也。又吾主在世之日。使徒傳教。常命二人同行。今又令二徒卸下聖尸。以行埋葬之禮。蓋指示各工。俱當以愛德成之也。再者。二徒來殯葬其師。各獻厚儀。若瑟買新鮮之布。以作殯布。纏裹聖尸。自想不可以舊物。盛殯聖師之身也。而尼格德睦。則買香料百斤。來傅聖軀。自想神師之聖軀。當以香物殮之也。示我奉教之人。亦當竭力奉獻。尅苦之蜜蠟。盡心奉獻熱

愛之香料。不因貴而少獻。亦不因多。而獻卑賤之物。凡獻主之物。俱該貴重豐盛也。甘飴之救世者。爾將無限之恩賜我。我用微小之物獻爾。有何可奇。求主賞我。切莫慳吝。就便將我所有之物。盡獻於主。亦是至微至小。是我分所當爲者。蓋我所有。皆爾所賜也。今將爾物獻爾。有何奇哉。

二分想。聖徒等敬卸聖屍。用百斤蜜蠟香料。渾身抹傅。馨香四達。用表聖身自始胎至死。艱苦備嘗。蜜蠟之苦。未離其身也。爲教訓衆信友。當常以尅苦制身。用蜜蠟保其潔淨也。經言香料百斤。夫百斤滿足之數也。是表尅苦一德。猶爲不足。更當修諸德也。我的靈魂。你當常服耶穌之尅苦。使耶穌之行。常全顯現於爾身。用可愛之蜜蠟。傅爾身也。三分想。卸下聖屍。聖母接抱在懷中。是何等慘痛。口親其聖傷。母之

眼淚。與子之血痕相叅合。滿望我等。亦將我等之痛淚。與耶穌之聖血。相叅合也。既傳聖軀以後。殮以新布。用淨巾蒙其首。按如德亞人埋葬之禮而行。吾主令儀令容。爲天神所瞻望者。又爲童貞之母。更願常見者。今則殮布掩面。不得再睹聖容矣。噫。童貞之母。爾之痛苦。當是何等重大耶。爾子聖顏之榮光。超於太陽。是誰掩其聖面之光輝耶。無非是因我之罪過。吁。吾主耶穌。我所犯之罪過。遮主聖顏。致我不得見主。求主赦免我罪。除去罪惡之黑暗。以便見主之聖顏也。

我今定志。一。爲報答耶穌之聖愛。不拘何等愛惜貴重之物。都肯奉獻。二。常用尅苦之德。保存靈魂肉身之清潔。

日內短誦。吁。聖愛之耶穌。是誰致爾之死。豈非我罪之故哉。願以我之痛淚。如香液抹傅爾之聖屍。

嚴齋第二主日。瞻禮七。

題目 思耶穌自山園到亞納司衙門。所受諸苦。

前晚撮要 我等明日默想耶穌。自山園至亞納司衙門。所受諸苦。惡黨既拿得耶穌。將兩手用繩縶。緊緊綑縛。至於切骨。兩脚亦用鉄縶絆繫。恐其逃脫。前拉後扯。拳撻脚踢。催他快走。遂致多次跌仆。再想耶穌祈禱時。出多汗血。身體困憊至極。今被惡衆。牽扯催打。又必重新出流血汗。惡黨沿路叫呼。如拿得大盜一般。及到城門。更加呼叫得意。此爲耶穌又是何等之辱。吁。此番進城。與前數日之進城。大不相同矣。
早晨小引 我等跪伏欽崇。爲我等被拿縛。被牽拽催打之耶穌。緊緊跟隨不捨。不可如衆徒逃散。要隨着耶穌。看他爲我們。所受的各樣苦辱。好動我們的心。痛哭我們的罪過。

首分想。吾主耶穌。途中之苦勞。惡人前拉後搯。拳打脚踢。催他快走。耶穌聖足。被鉄繚絆繫。不便走行。故此多次跌倒在地。聖身困苦至極。吾主昔日上日路撒冷。在宗徒之前急行。以表其甘心受苦。今日猶記此情。猶存此心也。吁。甘飴之耶穌。仇人催你快走。你就急行不止。並非因惡人催迫之故。實因愛情催爾也。但此次跟隨你的人。與前日大不相同了。前日跟隨了。如今都逃避了。他們不能隨爾者。因見爾快走。他們遲遲在後。遂致捨爾。各自散去。我今求主。千萬不許我離開你。我寧願同爾受苦。不願在後捨離爾也。

二分想。耶穌山園祈禱時。出流許多汗血。肉身力盡筋疲。今受此長途之苦。困憊至極。再想惡黨。催着耶穌快走。勢必汗血重流。四肢極其困憊。過則多灑溪。兩足不免被亂石碰傷。口腹乾渴。或亦掬飲其水。然

窘難之苦水。實更灌注其心矣。吁。至聖耶穌之足。爾爲我受這些跌碰之痛。我今稱頌爾。感謝爾。最可愛之耶穌。爾足受此苦痛。是爲補我足所犯之罪。求主禁止我足。以後再不走犯罪之路。催我足快走行善之路。引我足勤行苦難之途也。

三分想。吾主一路所受之苦辱。惡黨前呼後擁。如同拿住一個大強盜一般。他們各自歡慶。拿住了他們的大仇。歡樂無比。在日路撒冷。沿街盡力叫呼。如戰勝而回。噫。我救世者。爾今日進日路撒冷。與前日進日路撒冷。怎麼大不同呢。前日萬民。各執得勝巴爾瑪杖。歡呼迎送。今日則刀槍並立。如同拿住賊盜的魁首。得勝還朝的一般。前日歡呼稱讚。因天主名而來者。宜受殊福。今日則大聲譏笑咒罵。大肆侮辱。前日新樹枝。脫衣服。墊道路。污恐所騎之驢蹄。今日則帶長練。拖地上。拉

爾遊街也。可嘆人心。改變無常。又可驚訝吾主之忍耐。受那些惡人的凌辱。皆忍耐不言。求主救我。勿效惡人之失信。賞我忍德。爲能忍受各等凌辱。恒守至死也。再想吾主。行此路苦。把所受之苦辱。全獻於天主聖父。爲補我急行非禮之罪。從此我該發兩樣心情。一是感謝主恩之真情。一是效法主德之實情也。

我今定志。一。用天主聖規的繚練。綑住我的手足。不動非禮之事。不去非禮之地。二。有懶怠盡本分之時。記念耶穌。爲我被催打。自己催逼我。勉力盡本分。

日內短誦。吁。爲我被縛之耶穌。求爾綑縛我之手足。不行犯罪之事。

嚴齋第三主日。

題目 思掌擊耶穌聖面。

前晚撮要我等明日。默想耶穌被掌擊聖面之辱。教首審問耶穌。所收何徒。所傳何道。耶穌答以所傳之道。係衆所共聞。並無私言。問於聽者可。知矣。何必問我。耶穌言時。有一兵卒。以鉄掌重打耶穌之面。曰。答應教首。敢如是乎。想此掌面。爲耶穌是何等疼痛羞辱。一。因是手帶鉄掌。狠擊。致耶穌聖面。立刻紅腫。二。是掌耶穌聖面。是諸天神所敬仰之面。三。是一賤兵。掌耶穌之面。四。是在衆人之前。掌耶穌之面。五。耶穌之言。並無不合理。而受此辱。

早晨小引我等跪伏欽崇。爲我等被掌面之耶穌。痛恨我等之罪。是因我等之罪。致耶穌受如此重大疼痛羞辱。我等請衆天神。並合衆天神。一齊讚頌耶穌。以補他爲我等所受之辱。

首分想。此掌擊聖面之辱。是蓋法司的惡僕。逞其兇橫。下毒手打耶

耶穌的聖面。以媚悅其上司。以快樂衆人之心也。想此掌擊聖面之辱。是至大無比。因吾主令儀令容。超絕萬衆。令人起敬起愛。向慕瞻仰。今在問官之前。被一賤役。掌擊聖面。其羞辱真是無可比者矣。

二分想。是背義惡官。任意妄問耶穌。收徒傳教之事。而耶穌回答之言。並無一句錯謬之語。輕慢之言。惡役就想是侮辱其司教。強行出首。替他主子報仇洩忿。用力掌擊耶穌之聖面。豈不是橫加凌辱麼。

三分想。是衙門內之賤役。妄掌耶穌之聖面。而滿堂喧嘩。鼓掌稱善。都說打的好。打的對。並無一人替耶穌分訴冤枉。指明其妄加凌辱之惡。故此隨後又有多人。效其表樣。都來動手。或掌擊耶穌聖面。或脚踢耶穌聖身。噫。我的靈魂。你今放開神目。看看爾主聖面。被惡人重打。滿面紅腫。再想爾主聖身。受賤役之重踢。渾身疼痛。再加上滿堂譏笑。又

是羞愧難當。爾若見之。能不傷痛憐愛耶穌麼。况其聖容。乃衆天神所共瞻仰。欽崇叩拜者。且耶穌之聖顏。乃聖父之肖像。誰人敢掌擊其聖面耶。噫。永生永王之聖父。求看爾聖子聖面上。掌擊之印。爲補贖我之罪惡。受如此之辱。求爾仁慈。寬恕我罪。再看爾聖子所受之苦辱。全赦我之諸罪。亞孟。

我今定志。一。再不敢故意犯罪。使耶穌再受掌面之辱。二。若遇有人羞辱了我。爲耶穌謙遜忍耐。以效耶穌良善之表。

日內短誦。吁。我之耶穌。爾曾爲我。受掌面之辱。求賜我爲爾聖名之榮。甘受各樣凌辱。

嚴齋第三主日。瞻禮二。

題 思伯多祿三次背主。

市晚撮要我等明日。默想伯多祿三次背主。想伯多祿背了耶穌的緣故。一。

是因怕爲耶穌受苦。不敢緊隨耶穌。只遠遠跟隨。愛情漸衰。遂致背了耶穌。二是因他驕傲自恃。雖耶穌再三驚醒他。他還不知小心。故有此大失。三是因他入於惡人之羣。不躲避犯罪之機。故至於此。

早晨小引我等跪伏欽崇。心中極傷痛之耶穌。試想耶穌。受伯多祿背棄之苦。比所受各般苦辱。更覺難受。因伯多祿。是耶穌所選極愛之友。定爲諸宗徒之長。聖教會之首。今竟背棄耶穌。是耶穌最傷心難受者。我等當懇求耶穌之聖慈。萬勿許我等犯大罪。背棄耶穌。離開耶穌也。

首分想。伯多祿背了耶穌。第一緣故。是因過餘害怕。遂致失了愛情。夫跟隨耶穌。乃愛情之事。但他遠遠跟隨。就是害怕的緣故。以至愛德

疎遠了。前日緊隨者。今只遠遠隨之。這還不是愛德疎遠的憑據麼。第二緣故。是伯多祿。忘了耶穌預先告訴他的話。耶穌先已再三囑咐他。不要仗恃己力。到這個時候。全忘了主之聖訓。而三次背主。噫。大凡自恃己力的人。都是這樣。想天主之聖訓。與己無關緊要。所以一遇犯罪之機。就必然犯罪。

二分想。第三緣故。是因他親近惡人。是自投危險。伯多祿。雖不是外面粧看愛耶穌。到底因妄入惡黨之羣。而惡黨之胡言亂語。遂引他漸漸背主也。又可思天寒二字。是表伯多祿之冷心。一時昏迷之至。皆由其平素。自恃自傲所致也。且他驕傲自恃的病。吾主前夕。亦曾教訓過他。但他病根未除。故今有此背主之惡效。我等見這惡效。該定三個志向。第一。總不敢仗恃己力。常記聖保祿之聖訓曰。爾當以信德立穩脚

步。不要自高。當有畏懼天主的心。又說。凡自以爲是立着的。要小心。勿跌倒。第二。立定志向。不可遠遠跟隨耶穌。要以愛以喜。緊緊跟隨。蓋遠遠跟隨者。不能認清他的腳踪。也不能照跡而行。非忽畧而不經心。卽遇危險而不得保護也。第三。當立定志向。緊避犯罪的機會。遠離罪人之羣。常記聖經所云。愛危險的。必死於危險之中也。

三分想。若望因識教首。亦進公堂。與伯多祿有一樣的危險。但不致背主者。是吾主格外保護之恩。又無伯多祿自恃之傲心。故未犯背主之罪也。全能天主。我今求爾。脫免我於危難之中。若遇犯罪之險。求你保佑我。以免陷於罪過之中。求你把我。放在你跟前。不拘誰來攻害我。都不能敗壞我。因爾全能之手扶助我。無人能從爾手中奪去我。而敗壞我也。

我今定志。一。總不敢驕傲。倚靠自己的力量。二。用心躲避惡人之來往。不與之親近。

日內短誦。我之耶穌。求你垂顧我。使我緊隨爾後。不肯遠離。致於背棄爾也。

嚴齋第三主日。瞻禮三。

題目 思耶穌在蓋法司衙門。受許多妄證。

前晚撮要 我等明日。默想耶穌在蓋法司衙門。受許多妄證。一。想升堂高坐。行審問之權的是誰。是驕傲。貪財。嫉妒。不公之罪人。當受天主嚴判者。受審問的是誰。是天主真子。有審判萬民之權者。連蓋法司後來。也當到他判臺前。聽他判斷一生之罪惡。今謙遜立於階下。受人百般妄證。如罪人一般。二。想耶穌的忍耐。雖惡人百般妄證。並不出一

言。以分辨己之無罪。三。想耶穌之至聖。雖惡輩盡法搜求。不能尋出他有罪過。雖設法妄證。也不得有相對的憑據。

早晨我等跪伏欽崇。受人妄證。受人審判的耶穌。欽敬讚頌耶穌的至聖無罪。並欽敬耶穌的忍耐不辯。感謝耶穌。爲救護我等。情願自己承當各樣罪惡。及當受的刑罰。

首分想。當時老長者。及司教者。聚集審問耶穌。欲得殺之之端。百般妄證。然不得實據。耶穌終是默而不言。司教者問曰。爾不聞訟爾者。如此多端。爾何不言。耶穌默而不答。可想升堂高坐聽訟者是誰。乃是滿心貪傲。意氣昂然的惡官。原告們是誰。是殘虐妄證。忿恨的惡黨。被告的是誰。就是至尊全善的天主。屈身恭立。以聽其判斷。奇哉奇哉。天主眞子。乃審判生死者之大主。手足被縛如一囚犯。站立於惡官污吏之

前。受其審問。法司居法堂。而不守法。執政而不以公義。惟尋妄證。以判無罪之耶穌。噫。無罪之羔羊。誰教爾進於餓虎貪狼之羣中。至義之大主。誰教爾在無仁無義之人手下。受此屈審耶。我今明知。爾受此妄判。妄證之故。不是別的緣故。實因我之不仁不義。並我之多罪。且因我不義之罪。陷爾於不義之罰。以補贖我多多不義之罪也。

二分想。可讚頌吾主的純潔無比。惡人用盡心力。借端捏詞。妄加以罪。竟無些小罪過可指。正合吾主前頭說的話。世主來尋我可指責之端。不得其一也。魔鬼使人拿耶穌。致之死地。假託執政守法。然終不獲一罪。吁。至潔之耶穌。救世之主。賴爾至聖至潔。賞我善生。潔身事主。至臨終時。世主魔王。不得於我身上。獲一小罪。台我於爾臺前。以相反我也。

三分想。可驚訝。吾主忍嘿之德。雖受多人妄證妄告。總不出一言。以證其非。以明己冤。他是無始的上智。見人隱惡。一言能閉衆人的口。寧閉口不言。惟以公義誠實以證之。比以言辯之更好。以應驗達味聖王之言曰。尋機會害我者。言多詐偽。終日思想奸邪。我則如聾不聞。如瘖不言。不駁其非。不證其妄也。吾主全然行之。給我立忍默的表樣。遇事全靠天主。是爲正道。又是敗仇的善法。因爲他們留神。看你如何答應。雖然證明是非。也必說你沒有忍德也。蓋法司。不耐煩耶穌的緘默。就站起來。問耶穌說。你聽不見這些人告你麼。你何不一言。以分辯是非乎。你仍不言語。想是無言可辯了。吁。耶穌。天主聖父之真言。爾不出一言以自護。恐照官要說。默而不言。就是認了罪。將判爾矣。然爾竟堅默終不出一言。是爲補贖我多言的罪。又爲管束我的口。不偏護己過也。

求主以爾聖寵。管制我舌。效法爾忍嘿之德。以不言而勝仇也。
我今定志。一。小心善生。躲避罪過。有非即速悔改。為得終時。魔無可
以告我者。二。忍嘿以勝謗人之口。

日內短誦。吁。我主。求爾賜我忍嘿之德。以擋謗人者之口舌。

嚴齋第三主日。瞻禮四。

題想耶穌在蓋法司衙門。夜間所受之苦辱。

前晚
提要 我等明口。默想耶穌在蓋法司衙門。所受唾面之辱。熱黨既定斷
耶穌該死。眾人遂任意侮辱。有掌其面者。有蒙其目者。有唾其面者。
一。想唾面。是最大之羞辱。况所唾辱者。是天主子之聖面。是眾天神
所共欽仰榮光之聖面。二。想耶穌是何等平安。忍受此唾污之辱。三。
想我等犯罪。就是我等唾辱耶穌之聖面。我等還不謹避罪過麼。

早晨。我等跪伏欽崇。爲我等受唾面羞辱的耶穌。仰瞻天主聖子。神聖之王。光輝尊美之聖面。受此極穢的羞辱。驚訝是誰敢有此大胆。如此放肆。凌辱我等主耶穌。回想。這都是因我等之罪所致。急速痛悔。流痛悔之淚。以洗耶穌所受的凌辱。

首分想。可思唾面之辱。又羞又污也。此爲如德亞人。最大羞辱之事。而且受自兵役賤人。更覺羞辱難當。他們羣爭唾污。戲笑作樂。以羞辱吾主。噫。我的靈魂。你想受唾污者是誰。唾污者是誰。被污之面。是誰之面。唾面者是誰之口。被唾者乃是至尊天地大主。其口涎能開瞽目。伸啞舌。啟耳聾。其聖面乃天神所敬仰無已者。先知久望其降來。救贖人類。曰。顯爾面。吾得救矣。今被賤役罪人唾污。吁。吾主。爾令儀令容。直成一唾污的池盆了。我的靈魂。你見爾王。受這些賤人作踐唾污。造物之

主。被受造之人唾面。爾心不該痛裂麼。噫。可欽崇之聖顏。可仰望之聖容。爾光輝超過日月者。燦朗超過諸星者。如何可許罪人。凌辱唾汚。此非別的緣故。乃我罪惡。爾聞受此侮辱。爲洗除我之罪惡也。按古教定規。凡不願爲兄續嗣者。死後衆人唾其面。吾主不是這樣。亞當犯命自亡。又禍其嗣。而吾主替他起嗣承後。今反受人唾面。真冤枉也。我今感謝爾之聖愛。再求聖寵。生活我之靈魂。潔淨我之心神。

二分想。可思吾主被唾之時。不怨不怒。容色毅然。如依撒意亞所云。不轉面以避責唾之人也。耶穌受這樣凌辱。不露自己人性的劣弱。並不出一言。以相反唾面之人。真奇事也。吁。永生永王之天主。昔日亞隆之妹瑪利亞。言辱每瑟。爾唾其面。其面立刻生癩如鱗。爾今何不唾惡人之面。令其生長惡癩以罰之耶。爾不肯報仇。因爾降世。非爲令人成

癩。是自服癩疥。以療人之罪癩也。依撒意亞云。受主責打。如一癩者。爾降世。不爲以唾罰此世。乃以唾生活罪人。復活死者也。求主扶我。以爾聖誕。使我成一明智之人。以認識爾。成一勇敢之人。以愛慕爾。事奉爾也。

三分想。可思我每次犯罪。就是唾污耶穌基利斯督之面也。唾之以毒舌。污之以惡心。再思我從生至今。犯過多多罪惡。污主聖面。比當日惡人唾耶穌聖面。污穢的更深更重也。罪污聖面。比唾污利害多矣。再思。輕看別人。唾污人面。也就是輕看耶穌。唾污耶穌之面。蓋耶穌以人辱爲己辱也。於此當發憐惜疼愛耶穌之情。且要躲避各樣罪惡。更要謙遜。總不敢輕慢凌辱別人。

我今定志。一。不拘受何凌辱。勉爲耶穌謙心忍受。二。總不敢凌辱別

人。

日內短評。 吁。耶穌。爾爲我罪。受人唾面之辱。我願爲爾。謙忍各等之辱。

嚴齋第三主日。瞻禮五。

題目 思耶穌被解送到比辣多衙門。

前晚撮要 我等明日。默想耶穌被解送到比辣多衙門。維時天既黎明。教首

及老長者。再集。乃縛耶穌。入公堂。問曰。爾尙爲基利斯督。可自明說。耶穌曰。我實語爾。爾將見人子。坐大主之右。乘雲降來。衆曰。然則爾是天主子耶。吾主耶穌曰。爾輩自說。余誠是。衆遂急起。緊縛耶穌。送交般雀比辣多衙門。一。可想當日之黎明。是耶穌及惡衆所同盼望。而心意大不相同。耶穌盼望天明。是要在此日。完全救贖之工。惡衆

盼望天明。是望速殺耶穌。以快其惡心。故此天明即起也。二。耶穌是來救各等人。故從各等人受苦辱。三。又想。耶穌從蓋法司衙門。往比辣多衙門。在大天白日。萬眾齊觀。這番羞辱。更甚於夜間所受諸般之辱。

早晨我等跪伏欽崇。被解送比辣多衙門的耶穌。憐憫他身帶繚練如大罪人。在日路撒冷街市上行走。萬眾聚觀。羞辱至極。我等以神魂緊隨耶穌之後。高聲讚揚耶穌。是爲我等之罪。甘受此辱。使眾人皆知耶穌之無罪。皆讚揚耶穌之聖愛。以光榮耶穌。

首分想。當日之黎明。是耶穌及惡眾所同盼望者。然而心意大不相同。耶穌所以盼望者。是此日要成全救世之功。其渴望受難。不是從此日起。已三十三載有餘矣。所望者。皆爲我們的益處。惡黨望天明者。是

願快釘殺耶穌。以成其惡志也。故此天明即起。再集於公堂。於此我當感發謝恩。及羞愧之心。謝恩者。謝吾主渴望天明。以救贖我。羞愧者。見惡人行惡。何等心急。黎明即起。以成其惡。我於當行祈禱。及敬主神工之時。則貪眠不起。怠於祈禱。遠不及惡人之用心。不該抱慚無地麼。二分想。教首掌教之人。乃吾主之大仇。爲何不定耶穌罪案。乃交於俗吏比辣多定斷呢。因想所能加的苦辱。雖多雖重。仍不滿其毒狠之心。總求釘殺耶穌。方滿其心願也。此正驗天主。預定吾主。來救普世人的聖意。故許教內教外之人。共同聚會。以謀殺吾主也。吁。良善之耶穌。爾親選之民。受爾多多恩惠者。向且這般苦爾害爾。外教不識爾者。又當如何待爾也。但你甘願受教內教外人的苦辱。是因你降世。原爲救普世之人也。因你受死。我遂得生。你受判斷。我遂得救贖。因你暫時之

死亡。我方得永遠生活。於天主台前也。

三分想。可想基利斯督。於日路撒冷遊街。所受的苦辱。兵丁押送。衙役喧嘩。如同解送大盜一般。又因大瞻禮日近。四方之人。皆聚會於京都。觀看的人。如山如堵。耶穌手足被縛。惡人催他快走。惡人真如虎狼一般。肆其兇狠。信口侮辱。吾主耶穌。一一忍默不言。不怨不怒。低頭平安忍受。該想此番苦辱。比前夜所受的苦辱。更甚萬倍。因是在光天白日之中。人人都得看見。也都認得是耶穌。司教又在旁觀察。蠱惑百姓。雖知道耶穌。受此苦辱。係司教擺弄所致。到底無人敢出頭。替主訴說冤枉。且又逢迎司教之意。苦害耶穌。噫。良善之耶穌。我今感謝你。爲我之故。自蓋法司衙門。至比辣多衙門。被惡人催迫快走。受盡各等苦辱。求你恕我往日。遊走非禮之地。所犯之罪。以後指我義路。引我正道。一

生小心奉事爾也。

我今定志。一。想惡人等。急於行惡。謀害耶穌。我勉力勤行善功。以光榮耶穌。二。記念耶穌在街市上。受人觀看笑辱之苦。定志總不看街市上的熱鬧。

日內短誦。吁。吾主。爾爲我受萬人之笑辱。我有何心。還敢望人敬讚我耶。

嚴齋第三主日。瞻禮六。此日恭敬耶穌五傷。

題 目 思 耶 穌 五 傷。

前晚撮要 我等明日。默想耶穌之五傷。吾主耶穌。爲我們的罪。受盡萬苦。渾身無不受傷之處。但最重最深的傷有五處。致耶穌於復活之後。尙永存其痕跡。以爲聖愛的憑據。是我等更當思念不忘的。五傷。就是

其聖手聖足。被鐵釘穿透之傷。聖肋被鐵槍刺透之傷。此五傷。如五門。五穴。使我等能入其內。以避靈魂之禍。以取聖寵之恩。以作靈魂安居之所。以識吾主耶穌聖心之愛情也。感謝耶穌。爲我等受此五大傷。爲我等開萬恩之五大泉也。

早晨 我等跪伏欽崇。身帶五傷的耶穌。以神魂同多默宗徒。摸耶穌之

聖傷。親耶穌之聖傷。認是耶穌爲愛我等。所留的記號。虔恭叩拜呼號。說我之恩主。我之天主。是誰重傷爾之手足胸肋耶。是爾爲救我所受之重傷也。我今叩謝爾。誓永遠愛爾。

首分想。至善耶穌。願己手足受釘。心胸受槍刺者。是爲人做一個避難之所。不拘何等之人。皆可投奔入內。以避禍患。以成其德也。罪人回頭。纔進修德之路者。用心默思耶穌苦難。必定改惡遷善。真心愛主之

人。已進於德者。深思吾主苦難。必能德上加德。功上加功。而成聖人。此五傷。實如聖經所說。藏蝟之穴。人若犯罪。猶如刺蝟。滿身皆罪惡之刺。可投入此穴。以避災難。犯罪辱主之人。可進此穴。以免天主之怒罰。此五傷。亦聖經所說。藏兔之穴也。纔修德之人。德薄力小。如小兔一般。可入此穴。以避惡魔豺狼之大仇。其本力雖小。但一進耶穌五傷之內。就如堅城敵樓。雖有強兵。也不能攻破而害之。此五傷。又如曠野幽靜平安之穴。凡有厭惡世俗繁華的人。皆可投赴此所。而得安靜。如從前達味聖王說。誰使我生翼如鴿。飛往曠野。而得安息也。又說。我要遠逃。安居於曠野之中也。

二分想。此五傷。乃人之安居廣宅也。願合於主者。可投入此而居住。聖經曰。我之愛友。起來入此石穴。我之淨配。快來居此石穴之中。噫。我

可愛之耶穌。爾大開心懷。教我進去。命我住在裡面。此乃我當住之所。願建三屋。不在大博爾山上。是在加爾瓦略山上也。一屋在爾聖足釘孔之中。默思爾行。併爾苦難。使我知所當行之路。漸至常生之所。一屋在爾聖手釘孔之中。默思爾手所受所行。使我知所當作當爲也。三屋在心胸槍孔之內。靜思爾超絕之愛情。爲我降世。甘受苦辱。我願受苦以報之。於此三屋之內。居之處之。禱於此。行於此。靜動言爲。都不離於此。並願深思爾之五傷。爾之痛苦。爾之盛愛也。求主賜我靜思純情。得如鳩鴿。以揚爾苦難。以哭我罪過。以愛與爾合爲一也。嗚呼。至潔童貞聖母瑪利亞。爾似純鴿。先飛入爾子五傷之內。求爾轉求爾慈善聖子。亦賞我得入此安所也。

三分想。噫。仁慈天主。爾如諾厄之船。旁邊開一小門。使各般禽獸。俱

進在船內。以避洪水之害。爾今大開胸肋。使我等進其門。以避現世罪惡禍水之害。以免同世人沉淪也。噫。至尊之善牧。爾爲牧。爲門。善羊得入此門。出入亦由其自便。以受恩養。而享常生也。今爾胸門大開。賞我得入其中。以受恩養。享爾真光聖愛也。又如達味所用五塊小石。擊殺了高歷亞強仇巨寇。高歷亞。就表的是魔鬼。爾以五傷。擊敗地獄惡魔。但爾一傷。即足以敗之。必要以五傷者。爲顯爾之愛情至大無比也。求主敗伏我心之傲。赦我五官所犯之罪。賜我三司五官。常順服你的聖命。這些善志善情。都是聖文都辣。從默想耶穌五傷。發出來的。於此能見天主無限的齊全。基利斯督無限的德行。更見耶穌無限的愛情。故聖伯爾納多說。從身體之傷痕。顯出心內所藏。從五傷之穴。窺見仁慈的心腸。

我今定志。一。常從耶穌五傷之內。求取聖龍之水。以解靈魂之渴。二。
被誘感時。急速避入耶穌五傷之內。

日內短誦。吁。耶穌之五傷。是我神命的源泉。我願汲取活水。以解我
靈魂之渴。

嚴齋第三主日。瞻禮七。

題目 思耶穌在比辣多衙門所受的妄告。

前晚 撮要 我等明日。默想耶穌。在比辣多衙門。受人妄告。那時惡黨。既送耶
蘇於比辣多。比辣多問衆曰。你們以何辭告此人。你們有法律。按法
律處斷可也。衆曰。此人以邪說。誑惑本國民心。又禁納稅於國王。且
自稱爲國王。其罪重大。我等之律。不足以罰其罪。比辣多乃問耶穌
曰。爾是國王否。耶穌曰。爾云我是國王。但我國非今世之國。我來世

爲真實之證。一。想惡黨之昧心妄證。二。想耶穌的謙忍不辯。及向比
辣多的直言不諱。以示我等。其國非同今世之國。乃永遠之神國也。
早晨我等跪伏欽崇。在比辣多衙內。被妄證。被審問的耶穌。細聽耶穌
小引答應之詞。誠心實信耶穌。是天主聖父所立之王。我等願爲其民。願
守其命令。但耶穌又明說。其國非今世之國。乃天上之國。故我等宜
求耶穌。賜佑我等。不貪今世的光榮。惟專務得天上永遠的光榮。
首分想。惡黨謀害耶穌。其心是何等狠毒。是何等昧心。硬行妄證。耶
穌不但無所告之惡。反常勸百姓。改惡遷善。以走修德之路。總未鼓動
民人作亂。耶穌曾教訓衆人說。法利色義。及明經博士。受每瑟的權。坐
權位之座。他們所講之言。你們都該遵聽而行也。耶穌並未禁納稅於
責撒肋。且說責撒肋之物。該獻責撒肋。天主之物。該獻天主。又周流傳

教時。雖不應分上稅。尙從魚口得二文錢。令伯多祿去上稅。一爲己。一爲伯多祿。再者。更無圖謀背叛。爭王奪位的心。而且於五餅二魚飽飫四千餘人之日。衆人要強他爲王。耶穌乃獨身登山以避之。至論自稱爲默西亞。其所行足以証之。何用多言哉。吁。全善之天主。誰想惡人這樣昧心。竟妄告你是一大罪人。他們若用石擊死你。尙不快其心。必捏辭誣告。使你被釘於十字架上。方快其心。吁。至善之耶穌。爾一言能辯其非。能指其妄。何故不出一言耶。我實驚訝你的謙忍。求主賞我。效法爾之忍德。且救我於報仇的惡意。總不許我。恨人妄證人也。

二分想。比辣多聽見惡黨所告。乃進公堂。訊問吾主耶穌。先問最大之欸說。爾是如德亞王否。耶穌見他言語誠實。答曰。我國不是今世之國。若在今世。我的臣民。必不許人把我交付於人。我國實不在此。亦非

世國可比也。比辣多說。然則你真是國王。耶穌說。你自己說。我真是王。我降世成人。是爲真實之證。我是真實。真實的人。纔肯聽信我的話。於此可想耶穌答應之深意。第一。耶穌說我國不是今世國。不似今世的江山王位。須用三軍護衛。大臣扶助。我之國不如是也。這是明指。不但惡人告耶穌爲王。是妄告。耶穌不但不爲今世之王。亦不肯不屑爲今世之王。第二。耶穌說。爾自說我是王。我國不在今世。這是說。其國乃天國也。神國也。天神是其忠臣。聖人是其愛民也。有那樣的國王。纔有那樣的忠臣。有那樣的國。纔有那樣的民。嗚呼。至尊之王。爾之王位。是從天主聖父所受的。是永遠安定的。其安定。真可比於西婉聖山也。既掌握天國。尊貴無比。理當亦管制世王。爲萬王之王。但爾因無限愛情。盡棄世榮。給我立一謙德之表。教我輕世國之虛榮。而求天國無窮之福。

也。天上之君。萬王之王。收我爲爾之民。使我全輕世人之所重者。

三分想。耶穌說。我降來人世。爲真實之證。耶穌爲真實之證。有三。以訓言。以行事。以聖蹟。一。是吾主常講升天之真道。從未說一句虛誑之言。妄證一件不實之事。二。是剛毅果敢。直言以證真道。寧肯捨命。不捨真實。三。是不求己榮。只求滿全自己之本分。以證真實。我們看這表樣。當想天主生我於世。亦該以言以行。證明真實道理。使人在言行之間。見主真實。寧可捨命。不可捨了真實。不裝假行。不出虛言也。耶穌又說。真實之人。喜真實之道。肯聽信我言。守我誠命。你今當想。你是基利斯督之人。或是魔鬼的人呢。因爲魔鬼。從起初就虛妄。故稱爲撒謊人之父。耶穌在此應答。言行之間。大顯他的天主性。於萬苦萬辱之中。尙不斷教訓我們人。倘比辣多。果願聞真道之理。耶穌定然詳細教之。可惜

他是沒福之人。方問真實是什麼。不等回言。一問就出。故未得聞真道也。噫。耶穌。我之神師。求你不許我這樣。求你訓我以真道。賞我以堅信的恩寵。爾乃我之天主。真實無僞。凡爾教訓出來的人。皆真實之人。爾之生命。爾之言行。爾之道理。以及所行之聖蹟。所立之聖事。皆真實無僞。我深盼望。一生合爾真實。常行真道。幸得見爾於光明之所也。

我今定志。一。耶穌之國。非今世之國。乃天上之國。我不求今世之榮。惟求耶穌天國之永榮。二。堅信耶穌之聖訓。望得永遠之真福。

日內短誦。吁。吾主耶穌。我信爾實爲天上之王。我願爲爾之民。望得爾天國內之永福。

嚴齋第四主日。

題目 思耶穌被解送到黑落得衙門。

前晚
撮要

我等明日。默想耶穌。被解送到黑落得衙門。比辣多聽說耶穌是
加理肋亞人。屬黑落得所管。乃命送於黑落得定斷。黑落得一見耶
穌甚喜。願他行聖蹟。以快其好怪之心。特用多言。問耶穌話。耶穌嘿
而不答。黑落得乃命給耶穌。穿一件白衣裳。譏笑他是瘋子。仍送還
比辣多。一。想黑落得。雖喜見耶穌。但因意思不正。故耶穌不與他言
談。二。耶穌若顯一聖蹟。自然得以不死。而耶穌甘心爲我等受死。故
不行聖蹟。三。耶穌所穿之白衣。又是靈魂無罪潔白之像。正是我等
所當穿。總不可離身者。

早晨
小引
我等跪伏欽崇。又在黑落得衙門。受人妄告。受人譏笑的耶穌。驚
訝耶穌之忍嘿不言。感念耶穌之愛情。爲我們甘心受死。雖能脫離
受死的苦辱。亦不肯行聖蹟脫離也。

首分想。當時黑落得王。見了耶穌。滿心權喜。但他不是正經爲頭。只因曾聞耶穌。多行靈跡。久聞其名。今一見面。就要他當面行聖蹟。以快樂他那好怪的心。故吾主耶穌。不但不行聖蹟。且連話都不與他說。黑落得臉上無趣。看耶穌好像一個瘋子。就命給他穿上一件白衣。以辱笑之。仍送還比辣多。可想吾主。當黑落得王前。不出一言者。是惡其宿惡。看他如同異教之人。當不起見耶穌行聖跡。吾主曾說他是狐狸。就是指其奸詐過惡。謀害主之良民也。二是耶穌惡其好事好怪。欲以天主之聖跡。爲開心取樂的事。耶穌那時不肯行聖跡。也是恐因此。長人好事好怪的心。所以於假善者之祈禱。天主則如聾不聞。如瞽不見。決不聽其禱求。更不用彼以行奇功。而辦大事也。

二分想。耶穌不出一言。又是爲顯其甘心受死也。天主耶穌。旣用聖

跡隱藏了自己的光榮。以便爲人捨生致命。今再行聖跡。爲避難求生。決無此理。故吾主斷不肯爲。觀此。我等或偶遇患難。即欲求天主顯聖跡。以救我等。得免患難。我等不當羞愧麼。吁。至善之耶穌。你會顯了許多聖跡。以救別人。今在黑落得王前。何不行一奇跡。以救自己。他那好奇的心。雖當不起見你的聖跡。但你的性命。也是一件大事。正可顯跡。以免此難。乃能作而不肯作。從此看來。你聽人之求。救人的患難。自己有難。竟不一救。更何爲耶。寧死以救別人。而不肯行聖跡以救己耶。是因你愛人的心。超過愛自己。也是因這緣故。在黑落得公堂上。雖然撒實等妄告亂証。闐闐喧天。你總不出一言。與前在比辣多衙門一樣。且比前更奇。因同比辣多還說過幾句話。也講過真道。今在黑落得前。一聲不發。默不置辯。不求悅他的心。也不怕招他的怒。這明明是教訓我。

們。在有權位人跟前。該有勇敢。雖然捐軀致命。也不可阿順私情。苟且以偷生也。

三分想。耶穌被人嗤笑。衣以白衣。也有深意。是表耶穌言行潔白無玷。夫善人受辱。乃是常事。而心志潔白。外受侮辱。更屬奇大之事也。求主賞我靈魂。常著潔白之衣。身披羞辱之衣。以全效爾也。吁。至潔羔羊。爾實除免世罪者。傾血以洗我罪。求以爾血。洗我靈魂之衣。使常潔白如雪。吁。物爾朋。天主聖父無始之上智。爾被人衣以白衣。辱爾如瘋狂之人。我又何敢望人。敬我讚我爲明智也。我寧願同爾。被人視爲昏愚之人。

我今定志。一。總不敢以領聖事。爲圖人誇讚。

日內短誦。望主洗我以聖血。使我靈魂之衣。潔白如雪。

嚴齊第四主日。瞻禮二。

題目 思如德亞人。請放巴拉巴。定耶穌死罪之案。

前晚
撮要

我等明日。默想耶穌在比辣多衙門。惡黨求放了巴拉巴。釘死耶穌。當時比辣多。明知道耶穌無罪。設法欲放耶穌。乃隨國俗。從監內取出一窮兇極惡之大盜。問衆人說。茲有耶穌。及巴拉巴。爾等欲釋放那一個。衆人答說。放了巴拉巴。釘死耶穌。一。想吾主耶穌之傷心可憐。被人看待。竟不如一個窮兇極惡的強盜。二。可想世人的好惡。何等無常。世人的審斷。何等顛倒不公。三。我等犯罪。就是如同如德義。放了巴拉巴。釘死耶穌。

早晨
小引 我等跪伏欽崇。被人棄絕的耶穌。耳中似聞惡黨喧呼說。請放巴拉巴。釘死耶穌。我等以神魂大呼說。耶穌納匝肋諾。真天子。永生

永王。至於無窮世。

首分想。按古教規。每遇巴斯卦大瞻禮日。官從獄中。取出死犯數人。任聽百姓。選擇釋放一人。比辣多借這機會。取出一個極惡大犯人。是人所共惡。是橫行不法的大盜。名叫巴拉巴。遂問衆說。今有巴拉巴。有耶穌。你們願意放誰。衆人答曰。放巴拉巴。於此可思吾主之深謙。被同一大盜兇犯相比。且巴拉巴。還倒有人救他。吾主耶穌。乃是至善至聖者。竟無人肯救。大盜被放。吾主受死。真可嘆息。噫。良善之耶穌。今我明白爾之所行也。爾昔日曾說過。我竟不像人。直如一個小蟲。民之所羞。人之所賤也。果然。衆人都棄絕你。甘願留一個大盜。待你還不如待一個窮兇極惡的犯人。嗚呼。我的驕傲。你常願在人以上。你看你的主子。這樣謙卑。你還不自愧自貶。居人以下麼。求主壓伏我的驕傲。使我

能甘心自卑。追隨你的聖表。

二分想。世人的審斷。錯處最多。在如此明白大案之上。竟敢任意枉法。顛倒是非。屈斷良善之人。可見嫉妒的私慾一動。最能昏愚人的明悟。使之錯行。陷於罪惡。又且無恒。朝更暮改。前五日都稱耶穌。是達味之子。本國之王。今日就把耶穌。放在巴拉巴以下。大聲呼叫當釘當釘。真可悲嘆。人情這樣無常。以後若有人。或讚美我。或褒貶我。我應該放在心上。當件事麼。倘因行善。受人褒貶。看耶穌的表樣。順心忍受。亦足安慰我心了。因為知道人升天堂。不由外人的判斷。或說是說非。全在至公至義。真主之明斷也。永生之天主。我感謝你。因你把我的自主。及救靈的大事。沒有放在世俗人手內。亦不由其私意妄斷也。求主賞我。不管世人的判斷。只求悅你的聖心。守你的誠命。因我之或善或惡。不

在人口中。只在爾之目前也。

三分想。我每次犯大罪。就是學如德亞人。妄斷我主耶穌。多咱機會引我犯罪的時候。就是如同問我。所愛重的是誰。或耶穌。或巴拉巴。或造物的天主。或受造的人物。或是天主的光榮。或是自己的體面私慾。此時若心志不定。魔鬼世俗肉身。就來勸我。順從私慾。而捨天主。我若順從了。就是輕慢天主。辜負大恩。也就如同求釘死耶穌。請放巴拉巴的一般。從此看來。我的罪。比如德亞人之罪。更大更重。因他們還不深知耶穌是誰。我明知天主是誰。基利斯督是誰。爲貪賤污的小利。就肯輕棄天主。狗己私慾。我的罪惡。豈不大過如德亞人的罪麼。再三思之。真是愧悔無地。噫。天主真子。竟與下賤人之子巴拉巴比列。而天主聖子。終被魔鬼之子棄絕。真如聖經所說。魔鬼之子。隨行魔鬼之意也。吁。

吾主。求勿許我那樣辜恩。負賣你。求賞我忠心奉事爾。爲爾之弟。爲聖父之子。爾所取者。我亦取之。爾所棄者。我亦棄之。爾之尊貴美好。遠超萬物之上。爾之可愛。實遠超過萬物之可愛也。

我今定志。一。總不隨魔鬼引誘。貪罪之樂。背棄耶穌。二。不拘作什麼事。不管世人的妄斷。只求悅天主的心。

日內短誦。吁。我可愛之耶穌。爾被衆人所棄。置於巴拉巴之下。我愛你在萬有之上。

嚴齋第四主日。瞻禮三。

題目 思耶穌繫受鞭答。

前晚撮要 我等明日。默想耶穌繫受鞭打。那時比辣多。見惡衆兇心不已。乃命鞭打耶穌。以解衆人之怒。我等該想此刑。是何等之辱。是何等之

殘酷。又想耶穌是何之忍耐愛情。受此以補贖我等之罪。

早晨我等跪伏欽崇。被鞭打的耶穌。見其渾身是血。急以我等之身。護

衛耶穌。抱之痛哭。寧使惡人之鞭。皆落於我等之身。

首分想。此刑爲耶穌。是何等的羞辱。一是兵卒等。先剝去耶穌的衣服。赤身繫於石柱。吁。至貞至潔的耶穌。今被人剝去衣服。赤身立於衆惡人之前。當是何等的羞恥。吁。光榮之王。造物大主。以雲蔽天。以夜蔽地。以翎毛蔽禽獸之體者。今無一片之帛縷。以蔽己身。這無非爲補我之罪也。再思鞭打之刑。是爲施於賤僕盜賊者。吾主耶穌。是天主真子。萬聖之至聖。諸天神之王。今受盜賊當受之刑。諸天神皆震驚惶亂。恨不能以其光彩之羽翼。衛護耶穌之身。我見耶穌。如此受辱。我當何以爲情乎。

二分想。兵卒等。性既兇殘。又被惡黨呼噪激獎。以助其惡。手執皮鞭。茨棍。鐵箠。輪班痛打。各逞其能。不依國法。且不拘次數。任意傷殘。初則皮肉青腫。次則肉破血流。繼則傷上加傷。血濺肉飛。筋骨顯露。你神目中。試看耶穌渾身破爛。血流如注。石柱之下。都成血泥。此苦之重大難言。一因鞭數之多。按國律。鞭數不許過四十。今惡輩鞭吾主。至五千有餘。二因吾主聖肉軀。是從童貞聖母之淨血所成。比衆更嬌更嫩。更覺疼痛。吁。吾主耶穌。令儀令容。超絕萬衆。今被重鞭如是。全失其人形。我何能不痛傷欲死哉。

三分想。耶穌之忍德愛情。斷案雖然不公不義。吾主俯首順命。不求上告伸冤。惟捨身任其鞭打。一言不出。以補我多多罪過。依撒意亞先知說過。吾主徧身受傷。是爲吾人渾身之罪惡也。用耶穌身受之傷。以

治我靈魂之傷。又爲感動我。大發愛主事主之真情也。可思吾主受難。被鞭打時。舉目仰天。用達味之言。向聖父說。因爾之命。我已備承鞭打之重苦。吾聖性本不能受死受傷。因你的命。我取了一個可傷能死的肉身。我就把這無罪。能受罪罰之身。一齊獻出。以贖人盜竊爾光榮之罪。所受鞭數雖多。願有益於衆。情願再增數倍也。吁。至善救世之主。我今感謝你。因你爲我屈受枉法的斷案。忍受鞭打的慘刑。我爲愛爾。也將我身。獻於爾。以服爾之公斷。受爾鞭刑。不以爾之鞭我。爲我的辱。因爲是我罪應受之罰也。

我今定志。一。遇有苦難。認是天主爲罰我罪。所加的鞭刑。甘心忍受不辭。二。若有時私慾強盛。想犯罪惡。自用苦刑鞭責。以滅我私慾的偏情。

日內短誦。吾主。我心已備。承受爾之鞭責。

嚴齋第四主日。瞻禮四。

題目。思耶穌被鞭打之後所受的苦辱。

前晚撮要我等明日。默想耶穌於被鞭以後。所受的苦辱。那時兵役惡卒等

既鞭打耶穌以後。又從惡魔之誘。設法笑侮。以絳色敝袍。披於其身。以充假王。織一茨圈。戴於其頭。以爲王冠。使手持一蒲幹。以當權杖。使坐於台上。羣跪於其前。笑侮戲呼曰。亞物如德亞之王。遂起。有唾其面者。有掌其頰者。有奪其蒲幹。以擊其茨冠。使茨深入於腦者。嗚呼。惡輩真以吾主耶穌。爲耍笑之具。侮辱之府矣。

早晨小引我等真心跪伏欽崇。被惡黨辱笑的耶穌。認爲真天主子。真主真王。虔誠叩拜。以慰耶穌的心。大聲讚曰。耶穌基利斯督。真天主子。上

天下地之真王。我願爾永受欽崇叩拜。於無窮世。

首分想。第一是紅袍之辱。惡衆剝去耶穌之衣。給他穿上一件破紅袍。裝作帝王。惡黨要耶穌。穿此衣之意。是爲譏笑耶穌。有意爲王。今作一位假王子。是把耶穌。作成一個耍笑的玩藝了。吁。我可愛的救世主。你真如古經所說。我可愛者。其色紅潤。乃自億萬中所選者也。吾主。我知你愛這顏色。不是貪其榮。是爲取其辱。而以其益處賜我。你在黑落得衙內。曾穿白衣。以表你的潔淨。今在比辣多前。又穿紅袍。以表你的愛德。因你受這凌辱。能使我等得無罪的潔白。及愛德的鮮明也。求主賞我。以得穿爾之紅袍。爲榮爲貴。又以世人所榮貴者。爲羞爲恥。以世人所卑賤者。爲我的光榮。

二分想。第二是戴茨冠的疼痛。此刑之慘酷。是人所想不到。是魔鬼

送這想頭。於惡人明悟中。以苦耶穌者。其苦痛難以測量。因其茨又長又毒。而又最多。深入於腦。鮮血迸流。鞭打未到之處。茨冠皆補足之。痛入腦漿。目爲之昏。頭爲之眩。面爲之失色。吁。我的靈魂。西宛之女。出視爾王撒落滿頭上之冠。但此冠。不是如撒落滿新婚。其母與戴之榮冠。乃古教如耶穌之繼母。最毒最狠。給耶穌所戴之茨冠也。吁。吾主耶穌。雖惡人以此苦辱你。我實認你爲撒落滿。爲我平安之王。爲我靈魂之淨配。爾爲贖我靈魂。收爲爾之淨配。爲成此神婚。爾情願頭戴茨冠。以顯爾之愛情。求主賜我。能同爾今戴茨冠。庶可望在天。得戴爾之榮冠也。

三分想。惡衆又以蒲竿。放於耶穌手中。譏爲國王之權杖。羣跪其前。呼亞物以笑之。唾之擊之。吁。惡輩輕爾辱爾。笑侮爾之權柄。如輕微蒲

草。不知爾實真主真王。將審判萬民。以鐵杖鞭打驕盈傲抗者之背也。吁。我主。我今跪伏欽崇。口親爾之權杖。實又爲生命恩惠之杖。勝於亞蘇洛手內所執之金杖也。爾用杖一指。即使人得生命。求爾伸杖指我。示爾之恩惠。使我得永生之據。

我今定志。一。見人犯罪。凌辱耶穌。我勉力多光榮吾主耶穌。二。勉力隨耶穌受苦辱。爲得蒙耶穌。賞賜我戴榮冠。

日內短誦。吁。吾主。爾衣爲何鮮紅耶。是爾之義怒使然耶。是爾之愛火所燃耶。

嚴齋第四主日。瞻禮五。

題目 思斯人在茲。

前晚撮要 我等明日默想之題。是人乃在茲。耶穌既受重鞭之後。身披破紅

袍。頭戴茨冠。形容大敗。苦狀難言。比辣多見之。心亦惻然。乃領耶穌。到如德義前。置於高處。向衆人曰。你們看。這不是人。今在此。想耶穌。既被重鞭。身無完膚。又頭戴茨冠。至血流滿面。形容全失。今到衆人之前。是如何羞愧。再想比辣多之言。說人在茲。你當細看耶穌之苦容。爲何至此光景。無非因爾之罪。心中當深深痛悔。

早晨 我等跪伏欽崇。被比辣多指點令看之耶穌。驚訝其聖容大改。不似從前之耶穌。留神細認。還是我等可愛之耶穌。悲傷其如何竟忽變成如此苦痛之形。伏地痛哭。憐憫其苦辱。痛恨我等罪過。致耶穌到此地步。

首分想。吾主耶穌。渾身鮮血。穿一件破爛紅袍。頭戴茨冠。慘苦景況。實在可憐。立在衆目之前。是何等的羞慚。然又是何等的謙遜。憑人觀

看。呀。我救世恩主。爾今番與前在大博山上顯聖容時。大不相同了。那時候。在三位聖徒之前。面發大光。衣白如雪。光榮至極。今日是傷血淋漓。破衣蔽體。立於高處。使衆人得見。以增爾之羞辱。呀。求主開我神目。賜我得見爾傷痛之慘容。仍如光輝之聖容。依然可敬可愛也。

二分想。吾主在此慘苦光景。衆目所觀之時。比辣多向衆說。你們看這不是人在於茲。他這話的意思。或是從自己來的。或是從天主默啟來的。都能助你行默想之工。若是按比辣多的心意。他是要說。你們所告的。稱王。稱默西亞。稱天主子者。已受刑辱至此。你們看他。已不像個人的模樣了。到底他也真是個人。是你們同類。既見他這樣可憐憫。還不發點慈心。憐憫他麼。我的靈魂。你也該把耶穌這慘傷的景況。印在明悟之中。憐愛耶穌。看他身受鞭傷。面被唾污。臉受掌擊。身穿破袍。頭

戴茨冠。你仔細觀之。就明白聖經內。救世主所言。真真切切了。聖經說我已不似人。實如微蟲。乃人之所辱。乃民之所賤矣。吾主美麗無比。今則醜陋難堪。幾乎無人的形容顏色了。我主天主。爾取人像。已太謙矣。今又爲何受卑辱。直如一微蟲耶。噫。主被屈辱。如微虫。不如人。是爲補我驕傲好犯上之罪。我本卑賤之人。反願在人以上。是此可惡的傲病。致爾受苦辱如微蟲。以治我高傲之心也。今求爾賞我。效法你的真謙。願受人輕賤如一昆蟲。爲人所辱。爲民所賤焉。

三分想。若比辣多。因天主默啟。而出此言。則是說要。你們須看明此人。外面雖如常人。內實遠超過人以上。乃天主之子。是古經所許的默西亞。大神之大主。人類之救贖也。是因其無限愛情。爲人之故。遭此禍殃。人犯罪惡。應投永獄。他甘心受苦以贖人。故當受人認識是真天王。

真人。受人頌謝欽崇奉事於無窮世也。天主又如向你說。茲人乃在。你當大發愛慕。驚歎。倚望各等之情。向耶穌說。耶穌。你是真天主。亦真是人。甘受屈辱到這地步。既爲愛我。留下這樣明顯的憑據。我有什麼求不到手的呢。主。你這樣恩待我。我爲何不愛你呢。噫。我主。你雖是人。但不是平常之人。乃人而天主。天主而人也。無始無終之真天主也。我今欽崇爾。讚美爾。懇求爾。收我爲爾之小僕。將爾聖容。常印在我之心中。我今定志。遇苦辱時。仰面觀吾主之聖容。以壯我之神力。日內短誦。噫。吾主耶穌。世人無能救我者。爾實我可靠之真天主真人也。

嚴齋第四主日。瞻禮六。此日恭敬耶穌寶血。

題目 思吾主傾流聖血之奧妙。

前晚
撮要 我等明日。默想耶穌流寶血。一。細想是誰流血。是爲何人之血。是爲何緣故流血。二。以靈魂之耳。細聽耶穌流血時。向我等有何言語。向天主聖父有何言語。三。更以神魂之口。親嘗寶血的甘飴馨香。遇我等有苦難時。以耶穌寶血調和之。則甘飴輕減易受也。又當求主熱我等之心。若能爲愛主。受點苦勞。或至流血。豈非我等之福哉。

早晨
小引 我等跪伏欽崇耶穌之寶血。神目見耶穌。渾身受傷流血。更見其肋旁。被鐵槍刺透之孔。如一活泉。聖血湧流如注。跪伏於地。向主熱心祈求曰。願主聖血。流注於我首。分流於我身。洗我一切罪污。潤澤洗潔我的靈魂。

首分想。 第一。用神目看耶穌。出流聖血。他是何人。爲何緣故。是怎樣出流聖血。又是什麼情腸。於此可知。流這聖血的。不是別人。是天主眞

子。因他無限的愛情。甘願爲我之罪。受疼忍辱。傾流聖血。且以謙愛之德潤色之。真是鮮紅甘美可愛。你見吾主。鮮血淋漓不止。當感發愛慕。驚訝。感謝。效法。各等情腸。而向耶穌說。至尊無對的天主。你爲我一個不堪的罪人。出流你的寶血。以無價之寶。救贖我這卑污的賤物麼。但你仁愛無限。不棄我卑污罪人。甘心將寶血流出。真可讚頌之主也。第二。可思吾主。出流聖血。如同大聲呼求聖父。但不是如同亞伯爾。求報仇。乃是求聖父之仁慈。赦免人罪。一求即允。聖父不得不聽其呼求之聲也。所以我們。仰賴吾主寶血之功。祈求天主。必得所求也。

二分想。可用神耳。第一。聽吾主出流聖血時。向我說的話。他說。我爲你的神益。流出我的寶血。你爲奉事我。倒不該流你的賤血麼。若爲改你的大毛病。爲躲避犯大罪的機會。以致身流血汗。豈不該當麼。第二

聽吾主向聖父說的話。他說。聖父。你赦宥們他罷。想聖父是何等喜歡聽聖子之求。全准了他的祈求。第三。聽吾主痛苦之音。血流之聲。以感動我心。合主同哭同傷同憂。並悔恨我之罪惡。因此罪惡。實是耶穌痛哭憂悶。出流聖血的緣由。再用神鼻。聞耶穌寶血的馨香。其香上升至天主聖父之前。以平息聖怒。比諾厄祭祀之馨香。更有神力。聖父親見其聖子。愛火盛大。甘心出流寶血。自爲獻品。上爲祭祀天主。下爲補贖人罪。如保祿宗徒所說。耶穌將自己祭獻天主。用作馨香之祭。聖父安能不忻然樂受耶。

三分想。可用神魂之舌。嘗寶血之甘飴。聖血之德能。思吾主傾流己血者。爲聽聖父之命。爲救我之靈魂。其聖心又是何等喜樂。毫不畏難。我每領聖體時。所領之聖血。也就是一樣的聖血。故此我願常領聖體。

常分其甘美。遇着苦患時。更要用心飲聖血的甘飴。因諸苦難。浸以聖血。則失其苦。苦盡變爲甘飴也。我即定志。從今以後。要用此寶血。作我苦難中的安慰。使我一生。謙卑聽命至死。且將我神魂之體。浸於耶穌寶血之中。用這無玷羔羊的聖血。洗我身。潔我靈也。吁。若得我爲吾主血地。收其寶血。以我身爲傢具。盛其寶血。豈非我之大福也哉。耶穌寶血。無限之愛情。因受疼痛。受輕慢。而出流者。求爾用愛火。燒熱我之冰心。我若能爲爾。受些疼痛。忍些輕慢。以至流血。方是我之大幸。吁。至聖寶血。我領聖體時。流注我心者。求爾賞我以神手。採取寶血之神益。嘗其味。懷其德。以我體合爾體。以我心合爾心。常願與爾偕和。與爾親愛於世世。亞孟。

我今定志。常記耶穌爲我的罪。受苦流血。以遠離罪過。以耶穌聖血。

調和我的諸苦。使易忍受。

日內短誦。 吁。耶穌寶血。願常以爾洗我之污。解我之渴。

嚴齋第四主日。瞻禮七。

題 思判斷耶穌十字架上死。

前晚 我等明日。默想判斷耶穌十字架上死。當時比辣多。聞惡黨恐嚇之言。膽怯。乃放巴拉巴。定耶穌死案。任憑釘殺。一。想比辣多無勇無義。身為官長。權勢在手。雖明知耶穌無罪。而不敢保護。惟恐受人妄告。失了官位。竟不顧良心。屈定耶穌之死。可嘆無肯為耶穌出力盡心者。二。想耶穌聽此判斷。是何等痛悲傷心。然又是何等聽聖父之命。甘心領受此斷案。三。想耶穌之母。聖母瑪利亞。聞知此信。心中又是何等悲痛。我等不該同耶穌聖母。哀苦悲傷麼。

早晨小引我等跪伏欽崇。被人判斷當受釘死的耶穌基利斯督。見其傷心低頭不語。我等跪伏於他聖足之下。哀傷其無罪受死。巴不得我身替了耶穌之死。耳內似聞耶穌說。我雖傷心。然亦情願領受此判。受死以贖爾。爾只不再犯罪。負我之愛。即是我之大慰矣。一聞此言。我心能不酸痛欲裂。熱淚滾流麼。

首分想。此是殺害耶穌之定案。判官如此屈斷無罪之人。真是不仁不義。夫爲地方官長。當執正法。以警戒奸惡。安撫善良。方稱其職。而於本分無愧。今比辣多。既知耶穌善良無罪。多次明言矣。他曾說過。我實不知其有可死之罪。且又以洗手。證明耶穌無罪。然只怕人在責撒爾王前告他。丟了他的官位。故竟枉法。屈斷耶穌以死刑。且比辣多的斷案。除不義之外。亦是過分的殘虐。明知教長爲嫉妒之故。要釘死耶穌。

而竟反良心。失正理。隨人之私。即許釘死耶穌。他終究難免殘忍之罪。噫。良善之耶穌。我自今以後。再不敢把你。交付於偏情私慾之手。因我的偏情私慾。兇惡太甚也。願將我意我身。全屈伏於爾權柄之下。噫。我的私慾。常要犯罪求釘死你。主的仁愛之心。不是這樣。只求釘死你自己。以救我於永死。吁。吾主。你的心是何等仁愛。我的私慾是何等兇狠也。

二分想。惡人一聞比辣多。定了耶穌該死的案。滿了他們的心願。全都拍手。跳躍歡呼。而耶穌聖心。此時該是何等傷痛。於此可思。耶穌順命之德。明知斷案不公。因知是天主聖父。命他受死。以救贖世人。他就甘心聽命。俯首聽受定案。上不怨官長。下不怨衆人。爲救我等。甘心赴受死之地。把聖身交付於惡人之手。吁。吾主。我今感謝你。甘心忍受不

義之刑。以贖我因罪當受之罰。我無能報主之恩。惟有將我心我意。我神形。全全交付於爾。以承行爾之聖命。凡你命我當受的苦勞。該忍的輕慢凌辱。我都願一心領受。以報你爲我受死之恩。今我求你賞我聖寵。扶助我弱。至死再不敢犯爾誠。違爾命。缺爾所命之本分。以致獲罪於爾也。

三分想。當時有宗徒們。聽見比辣多。定了耶穌的死案。他們就急忙跑去。告訴聖母瑪利亞說。你的可愛聖子。現今定了死案。要把他釘在十字架上死。童貞聖母瑪利亞。一聽這些話。好像萬刃鑽心的一般。疼痛之情。不可言狀。但不怨不恨。惟有聽天主之聖命而已。蓋聖母明知其子。甘願奉行聖父之旨。以受此苦也。吁。童貞之母。你勉力罷。你今耳聞此言。苦心已甚。若再親眼看見釘死爾子耶穌。你的苦還要更加萬

倍呢。

我今定志。一。要發勇敢。相反我的私欲毛病。總不隨從他們的意思。殺害耶穌。二。總不肯隨惡人之意。屈枉善人。

日內短誦。吁。耶穌。爾爲我甘心俯首。聽人屈斷爾之死案。我亦願謙聽爾之聖命。

嚴齋第五主日。即苦難主日。

題目 思耶穌背十字架。上加爾瓦略山。

前晚撮要我等明日。默想耶穌背十字架。上加爾瓦略山。那時既判定耶穌死案。惡衆遂造一重大木十字架。令耶穌背負。往城外山上受釘。而吾主耶穌。一見此十字架。認爲救世之寶具。大發愛情。雙手抱於懷中。遂肩負而行。嗚呼。想此行之羞辱。數日前。百姓權呼迎接。稱爲達

味之子。因主名而來者。今日。逼令背十字架。出城受死。二。想此行之辛苦。耶穌連夜。受無數折磨。身被重鞭。流血過多。身體困憊之至。十字木架又甚重大。故耶穌多次被壓仆於地也。三。想十字架之苦辱。全是因我罪惡所致。我當如何憐憫耶穌。痛恨我罪也。

早晨
小引

我等跪伏欽崇。身負十字架的耶穌。以神魂。偕同日路撒冷善心婦女等。追隨耶穌之後。傷心流淚。留神細聽耶穌有何訓詞。並發勇敢向前。甘心願替耶穌。背負十字架前行。

首分想。耶穌所受之大辱。是背着十字架。從比辣多衙門。行走於街市。在兩盜之中。刑役在前。傳唱他的罪狀。滿城的士民。爭來觀看。大聲喧嘩。噫。此時諸品天神。你們既聽見刑役。妄加爾主以罪案。又親見爾主。背十字架之羞辱。何不從天而降。唱明爾主之冤屈。以光榮爾主耶。

噫。永生永王之聖父。見爾聖子。背十字架。上山受死。是爲什麼意思呢。莫非如亞巴郎。祭其子依撒格的行實。拿着火與刀。去行祭麼。噫。大哉。聖父之愛火。催着拿出義德之刀。祭殺親愛之子。以生活我等罪人。噫。我主。求爾以此愛火。燒熱我之冰心。使我全心。愛慕吾主耶穌。以爾義德之刀。割去我之私慾偏情。並各樣得罪爾之事。我主天主。你不像亞巴郎獻子之時。只有二少年相隨。在夜間行走。爾今獻子行祭。必要白日之中。大家聚會觀看。前呼後擁。押送耶穌上山行祭。是何故耶。噫。我今已知。是因爾愛火。至大至盛。常炎常光。爾所行之事。如同日頭。正當午時。又熱又光。使人人可得其益也。吾主。我求你將爾聖愛之廣大。及爾聖子謙遜之大德。分賞於我。使我能喜愛耶穌之苦辱。亦願受之。又能爲爾。忍受各樣之侮辱也。

二分想。吾主背負重大十字架。走此遠路。是何等辛苦。因耶穌受鞭打之後。身體困憊已極。又背這重大十字架。力不能支。一路跌倒數次。而且殘軀力盡。血汗出流。沿途俱染血跡。天主耶穌聖血。是無價之寶。今乃傾流塗地。受惡人之踐踏。噫。諸位天神。何不從天降來。扶爾困憊之主。一顯神能。助背十字重架。收藏其寶血耶。噫。最可愛之耶穌。將爾十字架。放在你小僕身上罷。我願同你背負。以略減你的痛苦。但你不願用別人替背。你要自己背負的緣故。我已知道了。依撒意亞說。他的國負在他肩膀上。又達味說。宮中的鑰匙。在他的身上。這幾句話的解說。是吾主以十字立了國。又以十字。爲開天門之鑰匙也。

三分想。十字架雖苦吾主之身。尚不像我罪。苦吾主之心。更狠更重。達味聖王說。我罪如同極重的東西壓住我。請看一人之罪。已是重大

無比。再以萬世萬民之罪。都放在耶穌一人之身。該是何等的沉重。依撒意亞說。我們衆人。都是失迷了正道的羊。天主把我衆人之罪。都放在耶穌一個身上。噫。甘飴之耶穌。重壓爾身者。不是十字架。乃是我所犯之罪也。我不行爾所指引之正路。乃錯行我私欲之路。爾是無罪羔羊。上加爾瓦略山受釘。是爲贖我的罪。巴不得我沒有犯罪。不再苦害你。既是我罪。致爾背十字架。我自然也當背我的十字架。以分爾之苦勞也。

我今定志。一。再不敢犯罪。以加耶穌十字架之重苦。二。忍受我所遇之苦。以分耶穌十字架之重任。

日內短誦。 吁。耶穌。我思爾之苦。我情願忍我之苦。以分負爾之十字架。

嚴齋第五主日。瞻禮二。

題目 思耶穌被釘於十字架上。

前晚撮要 我等明日。默想耶穌被釘於十字架上。想耶穌背負十字架。既到加爾瓦略山上。惡人將耶穌。剝去衣服。推倒於十字架上。而耶穌如羔善之羔羊。不動不鳴。將性命獻於聖父。任人釘殺。惡人用大鐵釘。釘其兩手於橫木。又狠力把耶穌伸長。方及於釘孔。將兩足釘於豎木。其疼痛。實萬言難以形容。然後將十字架舉起。舂入石穴之內。豎立山頭。此搖撼震動之痛。致耶穌頭昏氣閉。手足釘孔之血。直流如注。頭戴茨冠。爲十字架所觸。茨更深入於腦。耶穌懸於架上。全身之重。皆繫於三釘。其沉墜之苦痛。又當何等難受也。嗚呼。天地萬物。不堪見此慘苦氣像。我有靈之心。何能不慘痛欲死耶。

早晨
小引我等跪伏欽崇。被釘於十字架上的耶穌。以神魂同聖瑪達肋納。跪伏於十字架下。抱耶穌之聖足。痛哭流淚。以口親耶穌之聖足。願使耶穌聖血。流於我等之頭。我等之身。以洗我等渾身之罪。

首分想。手足乃筋絡交會之處。用大釘釘之。其痛苦何可勝言。且吾主聖軀。清潔無比。知覺最靈。尋常一針之刺。我尚難忍。而吾主四肢。受大釘穿透。其疼痛該是何等重大耶。依撒意亞。稱爾爲痛苦之人。此言誠不虛也。蓋自古以來。未有受痛苦。如爾所受者。噫。吾主至聖之手。天主德能。在爾掌握之中。誰敢釘爾在十字架上。誰敢按爾於釘頭耶。噫。至聖之足。魔鬼不敢相近。一見就退。誰敢釘爾於大木之上耶。甘飴耶穌。爾手足何故受此釘傷耶。唉。釘爾者。不是比辣多。不是惡人。乃是我罪釘爾於十字架也。我手足犯罪。既害我。又害爾。比釘爾還更苦也。

吁。永生聖父。請觀爾聖子。爲我罪所受之傷痛。求爾收其所獻。以治我靈。蓋爾聖子。所以受傷的緣故。是專爲治因罪被傷之人也。

二分想。吾主被釘之時。所受的痛苦。實最重大。因爲先釘一手。筋絡抽縮。以致別手到不了釘孔。刑役用力扯開。以致筋骨脫離原縫。疼痛真是難言。聖咏上說。惡人釘我手。穿我足。數我諸骸骨。這個意思是說。耶穌受難時。力敗筋疲。又被硬扯。骨節皆脫露。件件可數。此爲諸苦中最大之苦也。吾主受此苦。是爲補我失愛德。隨異端。離開聖教會也。噫。救我之主。巴不得我四肢百骸。盡變爲舌。以讚美爾。頌揚爾。謝爾爲我所受諸苦諸痛也。噫。良善耶穌。賴爾之疼痛。求賞賜聖教會內。主教司鐸。修士。院長。彼此和睦協合之德。親愛如手足一般。上和下睦。遠近一體。同領天下信友。以行以言。頌揚爾曰。主。誰能如爾。至大至高。爲掌管

天地之主耶。

三分想。亦可思聖母。目見耳聞鎚擊之聲。其心當是如何疼痛。况母子連心。鎚釘聖子手足一下。聖母之心。就同時震痛難當。吁。至聖童貞之母。爾聖子。既稱爲痛苦之人。能不稱爾爲痛苦之母乎。你真可向衆人說。你們過往諸人。可留神細看。有誰痛苦。如我之痛苦耶。世人每犯罪過。就是用釘鎚。釘耶穌一樣。鎚之輕重。就按罪的大小。我今盼望天主。開明我心。使鎚釘之聲。透入我耳。擊碎我心。使我深痛以前所犯之罪。自今以後。定要改惡遷善也。

我今定志。一。記念耶穌手足被釘之苦。定志管束我手。再不敢取非義之財。動犯罪之物。管束我足。再不往犯罪之地。

日內短誦。吁。耶穌釘我手足。於爾十字架上。使再不能犯罪。

嚴齋第五主日。瞻禮三。

題目 思十字橫匾之奧意。

前晚撮要 我等明日。默想十字架匾額之奧意。耶穌既被釘懸於十字架。比辣多乃以三國文字。書一橫板。置於架上。曰。耶穌納匝勒諾。如德亞人之王。蓋爲指明耶穌被釘的緣故。但此中另有天主的妙意。耶穌解說救世者。割損時流血。得此名號。今懸於十字架。流盡已血。完全救贖之功。真成爲救世者。此名號。遂永受欽崇於上天下地。納匝勒諾。譯言華美者。耶穌諸德之美如華。其平生諸德皆華也。而在十字架上。所成之德。乃更奇妙鮮艷之華也。納匝勒諾。又言聖者。是指耶穌。原係至聖無罪。其被釘特爲贖萬民之罪也。書曰如德亞人之王。因耶穌是天主聖父所定者。不但爲如德亞之王。實乃普世萬民之

王。故書此匾。用三國文字。蓋當時此三國語音。通行於天下也。

早晨 我等跪伏欽崇。在十字架上的耶穌。仰瞻耶穌。頭上大書國王的

匾額。認識耶穌是天主聖父。爲我等所立之王。因愛我贖我。爲我受死。我當如何感謝。愛戴。奉事。如此愛我之君王乎。

首分想。耶穌解說救世者。耶穌降世。本爲贖世人之罪。救人於永罰。這是被釘的緣故。用自己暫死。使人得常生。傾流自己的血救普世。以成全救世之功。割損之時。用一肢之血。得了這耶穌的名號。今寫耶穌二字。放在十字架上。是表耶穌流盡己血。而救世之功成也。聖保祿宗徒說過。非傾血不得罪赦。就是這個意思。噫。甘飴之耶穌。盛哉爾救贖之功。爲救人類。出流聖血。不是幾點。乃全身之血。從五傷如五泉所流出者。噫。甘美哉耶穌聖名。真如油。能療我傷。能赦我罪。能治人各般神

病也。

二分想。納匝勒諾。解說華美者。指吾主懸在十字架上。以顯其德輝。神光四射。如茂盛樹木。吐放鮮華也。其神貧一華也。聽命一華也。良善心謙皆華也。愛德忍耐皆華也。其德其功。俱是鮮麗潔淨的奇華。呀。耶穌納匝勒諾。美哉爾名之華。開於十字架上。一生純粹華美。無可比較。今更顯明矣。納匝勒諾。又解說是聖者。是說此被釘之人。乃聖中至聖。其死不因己罪。是爲萬民之罪也。依撒意亞。代天主聖父說。我的善僕。將萬民之罪。背在自己身上。代受其罰。以生活多人也。

三分想。書如德亞人之王。是比辣多爲表明他。斷耶穌釘十字架的緣故。蓋如德義。告他爲王。而不知吾主耶穌真是王。但不是世俗之王可比。其國非世上之國。乃神國也。以十字架爲始。以十字架爲基。聖經

內云。天主以木治其國。即此意也。蓋罪國從木而始。因亞當吃樹菓而背命。吾主之神國。亦從木始。就是聽命死於十字木架之上。以立其國也。再想如德亞人。雖不願認耶穌爲王。但耶穌終是他們的君王。因天主聖他爲王。管理西宛聖山。如德亞國。並管普天下信友之國。凡有耶穌名號的。欽頌耶穌聖名的。信他是真天主的。凡遵守耶穌所立之規誡的。皆是其國之民。又令普天下。前古後今之人。都認他爲王。故用三國文字。寫其匾額。噫。生活之天主。只有你。纔當起這榮光之號。耶穌納匝勒諾。如德亞人之王。巴不得萬國萬民。都認識爾。欽頌爾也。噫。奇哉妙哉此號。片言之中。含盡救靈之道。以耶穌之名。求則受。望則獲。困者舒。憂者安也。天主聖父。請你認認這個名號。乃爾聖子爲救我。承受的名號。求你賞我。得入此國。偕爾長生於無窮世。 亞孟。

我今定志。情願認耶穌。是天主聖父給我所立之王。願守他的法律。
奉事他。愛慕他。

日內矩誦。吁。耶穌。永福之王。我願事爾愛爾。

嚴齋第五主日。瞻禮四。

題思兵卒分耶穌之衣。

前曉 我等明日。默想耶穌之衣。被兵卒鬪分。兵卒等。既釘耶穌於十字架。乃分取耶穌之衣。另有一件無縫長衣。是渾然織成的。兵卒等不欲裂壞之。乃相謂曰。我等拈鬪以分之可也。想此中有天主之妙意。此衣表耶穌的天主性。與人性相合。永不相離。又表吾人領洗。即是穿了耶穌基利斯督的鮮美寶衣。不可贓污脫離。死時有此寶衣。即得赴天國之福筵。此衣又表聖教會。渾合爲一。不可分離。凡不聽

聖教會之命。或信異端道理者。即是分裂耶穌之長衣也。

早晨 我等跪伏欽崇。赤身懸於十字架的耶穌。以神目看惡人等。分取耶穌之衣。爲譏笑凌辱耶穌。我等跪求耶穌。將其寶衣。肯分賜於我等。以遮我等靈魂貧窮赤身之羞恥。使我等死後。到天主臺前。身上有耶穌之寶衣。得入天國之席筵。以享永福。

首分想。 兵役不肯裂毀長衣之故。一。因是聖母織的巧妙。渾身上下無縫。分裂就不成用了。想聖母。見與子所織之衣。落在賤役之手。其心是如何傷痛。噫。至尊童貞之母。真可如古聖雅各伯說。此乃吾子之衣也。是何野獸。吞了吾可愛之子。吾見此長衣。不是羊血濺染。是吾子親身之血所染。嫉妒的惡黨。謀殺吾子。釘他在十字架上。吾子出流已血。以救傾其血。害其命之人也。兇殘嫉妒之惡獸。奈何竟敢吞噬殺害天

主之子耶。噫。無限愛情之耶穌。求你殺我嫉妒的惡心。以保存爾愛德之寶衣也。

二分想。此長衣上下無縫。乃表耶穌之人性。不由人道。乃因聖神之工化。以聖母淨血而成。是可謂我等之寶衣。人領洗時。得穿於身。保祿宗徒說。凡人受洗於基利斯督。就是穿了基利斯督。如以基利斯督爲衣也。該以真愛。同基利斯督結成一體。言行俱宜相合。蓋基利斯督。只是一個。永不能分也。噫。誰得穿上這件寶衣。真是有福的人。成天主教子。將來必承受天主無窮的光榮產業也。

三分想。基利斯督的無縫長衣。又表耶穌的聖教會。雖古今萬國。人民風俗不同。但以信愛二德而論。普天下合爲一家。猶如一身。永不得分裂。凡人願分裂聖教會。就是願分裂基利斯督之長衣。此惡比釘吾

主耶穌。更爲殘虐。因那些刑役。還不肯分裂耶穌之衣。而異教人。竟敢分裂耶穌之聖教會。其罪不更重乎。噫。平和之主。愛德之王。千萬莫許我同會之友。並聖教之信友。失了和睦。失了愛德。更不許邪教人。分裂爾聖教會。引人作惡。以分離爾。懇賜人人以聖愛相和好。以爾聖愛爲盛服。以致後日。共登榮光天國。同享永遠眞福也。

我今定志。一。總不敢與人記仇不和。以分裂耶穌的肢體。二。更不敢違背聖教會的命。與聖教會相離。而分裂耶穌無縫之長衣。

日內短誦。 吁。耶穌。求賜以爾寶衣。遮我靈魂赤身之羞辱。

嚴齋第五主日。瞻禮五。

題 目 思耶穌架上第一言求聖父赦仇。

前晚 我要我等明日。默想耶穌在十字架上第一言。求聖父赦仇。吾主耶穌

懸於十字架上。肉身受盡萬苦萬辱。心靈充滿憂苦。久無所言。今開口第一言。是爲仇人求赦。耶穌曾訓我們宜愛仇。今特以實行。立愛仇之表。爲仇人在聖父前。求赦罪之恩。且爲他們。解說是無知而犯。觀此聖表。我輩有何等仇人。不當寬恕乎。二。耶穌先稱曰父。稱父以動其愛子之心。允子之求。看耶穌如此大情大愛。我等何能不愛耶穌乎。

早晨 我等跪伏於十字架下。叩拜欽崇。懸在十字架上的耶穌。神目仰瞻。側耳靜聽吾主耶穌。有何訓誨之言。

首分想。耶穌在十字架上。頭一句話。說父。你寬赦他們罷。他們不知他們所作的是何事。我的靈魂。當開你的耳朵。聽你的神師。在十字架上。出什麼訓言。如撒木耳向主說。請主說罷。爾僕在此候聽。爾實天主

聖父永遠之真言。以降生受難。成由博反約之言。求將此言。明示於我。使我常記憶玩味。一心存留不忘可也。這架上第一訓言。是求聖父寬恕釘他的人。又替他們推辭過失。這是大發愛人無己的真情。你今先默想此聖訓之情節。次想各言的奧意。

二分想。吾主出此言時。是身懸於十字架上。四肢疼痛難忍。通身血流不止。頭戴茨冠。惡黨刑役。左右前後。見主苦辱。他們竟不動心。反言笑歡呼。搖頭拍手。揚眉吐氣說。此罰正當他的罪。吾主此時。只有仰天。下淚。痛苦難受。遂開口仰求聖父。寬赦仇人之罪。不是如同厄理亞。求天主自天降火。焚燒他的仇人。也不是如諾厄。與厄利叟。咒罵嗤笑自己之人。因耶穌明見仇人。後來當受的罰。比自己所受的苦辱。更覺難忍。這正合他從前。所立的聖訓說。你們該愛仇人。爲謀害你們的人祈

求天主。噫。可愛的耶穌。今日真發顯你是一團愛火。天主之聖火也。雖罪惡辱慢。如江海之大水。也不能滅爾之愛火。且禍患越多。爾之愛火越大。是以開口。先求聖父。赦免那些釘你的人。勿降罰也。求主也賞我這樣愛德。以愛我仇。並爲害我者。祈求天主。

三分想。父字之妙意。赦罪是天主的權。耶穌本有此權。到底寧捨自己之權。仍用人性以求聖父。然耶穌求聖父赦仇人。是明證他先已赦了。故又單求聖父赦仇。且獻自己之身爲祭品。以贖民之罪。求恕其昏愚。以滿全他司祭的本分。耶穌不說天主寬赦他們。說父寬赦他們。這是吾主倚靠聖父的真情。呼父爲動他的慈心。好寬恕仇人之罪。蓋天主爲萬民之大父。命日出照臨善人。亦照臨惡人。命雨降潤澤義人之田。亦潤澤不義人之田。噫。至仁至慈之聖父。求爾命你義德之光。惟一

聖子耶穌。光照大地諸人。燒熱他們的心。賞衆人得享常生。更賜聖道之雨露。以潤罪人之心田。使天下萬民。皆認識爾。並認識爾聖子。勉力遵其聖訓。效其善表也。

我今定志。一。隨耶穌善表。勉力寬恕仇人。二。見人過失。總往輕裡解說。

日內短誦。聖愛之耶穌。賜我亦能效法爾。寬恕仇人之德。

嚴齋第五主日。瞻禮六。恭敬聖母架旁同苦。

題目 思聖母侍立架旁。

前晚撮要 我等明日。默想聖母。侍立十字架旁的痛苦。耶穌被釘於十字架。被衆人所棄。衆徒逃避。惟聖母愛其聖子。侍立旁架。不忍分離。且恨不能親身替聖子受死。凡子所受之苦。皆以己心受之。因其愛情最

大。故耶穌之苦。愈苦其心。比諸致命所受之外苦。更百倍難忍。是以稱爲諸致命之后。凡真愛敬耶穌者。不當因怕苦。即離開耶穌。我等該如若望。並那幾位熱心婦女。隨聖母在十字架旁。陪伴耶穌於苦難之中。

早晨我等以神魂。隨聖母到加爾瓦略山上。跪在十字架旁。留神細看耶穌聖母。母子之痛苦傷心。並認都是我等罪惡所致。求聖母轉求耶穌。賜我等懺悔之心。

首分想。此處可思。越愛耶穌之人。也越近於耶穌的十字架。蓋愛耶穌真正的憑據。是跟隨耶穌背十字架。憐惜其苦。傷痛其憂。凡跟隨耶穌越近。越恒心者。越堅固者。越顯其愛情之大。請看待立架旁的那幾位婦女。就是親愛吾主的真正憑據。因他們見耶穌。雖在萬苦萬難萬

辱中。也不肯一時遠離而捨去也。

二分想。當日是聖母領着那幾位婦女。侍立架旁。若無聖母率領於前。恐怕也無人敢站立於架旁了。蓋聖母的信愛。最真最切。不怕危險。不辭輕慢。奮勇向前。站在聖子十字架旁。眼看耶穌所受苦難的光景。身親近立架旁。心與聖子之心相結。愛情更切。痛苦更深。如同親身與聖子。同釘在十字架上。但不是用有形之釘。釘聖母之手足。乃是無形之神釘。釘了的。第一神釘。是聖母深通聖子之苦。第二神釘。是聖母愛聖子之盛火。聖母之愛聖子。不但是如同自己所生之子。且又愛他是自己救贖之恩主也。第三神釘。是聖母憐愛聖子之真情。見己聖子爲人之罪。受那樣的苦辱。何其重大。己心之痛苦。如同亦釘在十字架上。足能致其痛死也。聖母見聖子。頭戴茨冠。也如自己戴着一般。見聖子

手足被釘也。如自己手足被釘一般。見聖子被扯。骨節分離。也如自己骨折筋斷一般。總而言之。聖子聖身所受的辱。聖母的心。也都受到了。三分想。吁。童貞瑪利亞。童貞之聖童身者。爾真可稱諸爲義致命之后也。你的貞潔。超過諸聖童貞之貞潔。爾爲童貞之首。童貞之聖童貞者。今又同爾聖子。受盡萬般苦辱。因此愛情功勞。亦可稱爾爲致命之后。夫致命聖人。不過因愛德熾熱。甘受爾子所受的苦辱。遂得爲致命者。爾立於架旁。耳聞目見聖子之苦痛。爾心疼痛至極。若非天主格外保護。定致爾亦死在十字架之下矣。噫。致命之后。求爾轉達爾子耶穌。賞我得分爾。及聖子之苦辱。勉力尅治我之肉情。全捨己意。願合爾同立架旁。偕主同釘。並同受此苦也。

我今定志。一。願爲愛耶穌。勉力隨耶穌受十字架之苦。不能行克治

肉身之苦。至少當行克治私欲之苦。

日內短誦。 吁。聖母瑪利亞。求爾提拔我。使我能隨爾。侍立於耶穌十字架旁。

嚴齋第五主日。瞻禮七。

題目 思耶穌架上第二言。恩賜右盜升天。

前晚
撮要 我等明日。默想耶穌在十字架上第二言。當時釘在耶穌右邊之盜。先責左盜的妄言。又承認自己。是有罪之人。應受重罰。後向耶穌說。吾主。至爾本國。記我一念。耶穌曰。我實語爾。今日爾即偕我。同享天國之福。一想耶穌之聖慈。身懸於十字架。發了七言。而前兩言。都是爲顧罪人。二。想右盜得此大恩。雖是天主聖佑。也是他善於承受。他先光榮了耶穌。又認自己之罪。願作補贖。然後倚靠耶穌的聖慈。

求饒求救。且當耶穌在苦辱中。能認耶穌是天主。他這信德。真是我們該效法的。

早晨小引我等跪伏欽崇。在十字架上的耶穌。用心細聽。右盜及耶穌之言。感發我等之心。效法右盜所有心情。求耶穌亦赦我等之罪。許我等以天國之永福。

首分想。試思右盜祈禱的謙誠。自認己罪。稱頌耶穌的聖德。行了自謙的善工。滿了愛德的本分。遂發望赦之心。升天之願。故真心向耶穌說。主。你到你本國時。記我一念。這話說的雖不多。內中實包含信望愛三德的真情。先題主字。是他敬愛天主的意思。認耶穌是真天主。當此之時。別人待耶穌。如同一個大惡無賴的人。輕賤無比。如古經所云。把我竟當了一個微蟲。民之所羞。人之所賤也。而右盜獨發誠敬。認之爲

主。堅信無疑。次後又說。耶穌是大國之主。故曰。主至本國。記我一念。說
記我一念者。是說我之所求。不是如同我的夥伴。只求免去現罰。脫離
十字架的苦刑。我之所求。是求你賞我。合你死於架上。後得享常生。亦
不敢直求與爾同進天國。與爾同治萬民。因我是大罪人。何敢望此。只
求記我一念就穀了。因爾記我一念。就足能賞我。得善終。升大國。與爾
共處也。這又是何等的謙恭。

二分想。再思右盜。自承自訟。認罪回頭。發出可奇的信德。固然是天
主的特恩。變化他的心。到底其中。另有一番作用。右盜的悔過。不是因
聖跡所感。因右盜恐總沒有親見耶穌行聖跡。且耶穌受難時。山崩地
震。日月失光。等等奇跡。還未大顯。又不是聽見過講奧妙之理。因耶穌
傳教時。他沒有在跟前。所以大動右盜之心者。是耶穌的忍德。右盜見

吾主。在大難之中。能如此謙遜忍默。真是奇事。又見吾主之盛愛。在受刑之際。竟以德報怨。爲仇人所求聖父寬赦。這是大愛的憑據。外觀吾主的奇表。內受吾主的默照。就立刻醒悟。認主爲至聖者。爲默西亞。爲天主之子也。

三分想。吁。甘飴之耶穌。爾在十字架上。以忍耐愛德的奇表。感化一個強盜回頭。引他認識爾。欽敬爾。我亦求主。賞我效爾善良之表。以德行感化別人。使惡者看見。悔改自新。善者看見。德上加德。皆能同爾共登天國。並享真福。我今亦願效法右盜。跪伏在十字架前。誠心求主說。主至本國時。請記我一念。噫。永生永王之主。我今認我的罪。當背我的十字架。當受許多誘惑試鍊。但爾如今。已升天國。不要忘了我這大罪人。求你聊一回目。看顧我這孤苦窮獨的罪人。

我今定志。一。願效法右盜。自認我是罪人。當受苦罰。當正忍耐。所有之苦。二。在苦難中。謙心忍耐。不怨不言。以立忍耐的善表。

日內短誦。吁。我主。爾在本國。記我一念。

嚴齋第六主日。即聖枝主日。稱爲大主日。

題目。思耶穌。架上第三言曰。女人。彼爲爾子。

前晚撮要我等明日。默想耶穌架上第三言。託聖母於若望。當時耶穌。見聖母痛苦悲傷。侍立於架旁。又見所愛之徒若望。亦立架旁。乃向聖母曰。女人。彼爲爾子。耶穌發此言。爲盡孝道。安慰聖母。使有託賴。但不稱母親二字。恐此名更傷聖母之心。亦是教訓我等。爲隨天主聖父之旨。即不當再戀骨肉之私情。二。耶穌立若望。爲聖母之子。即是以教衆。凡爲耶穌之徒者。皆爲聖母之子女也。

早晨小引我等跪伏於十字架旁。聽耶穌向聖母。有何言語。細想耶穌言語中的妙意。以感發我等之心情。

首分想。吾生在大苦大辱之中。大發純粹孝愛的德行。蓋耶穌在困難之中。仍不忘當盡的本分。先已如同司鐸。爲仇人轉求天主。次又如救世主。許人入天國。如今又如孝子。盡孝於母前。如好友良師。遺留善訓善規於門徒。這是爲訓我等。在患難之際。或家事不遂心。也不可捨了自己當盡的本分。噫。耶穌大司鐸。爾不與古時大司鐸亞隆相同了。亞隆曾說過。憂填我心。不能行祭悅主。你不是這樣。正在大憂患中。更要完全你的本分。絲毫不缺。爲仇人所主。息聖父之怒。又安慰母親。囑託愛徒。件件都完全了。我求主賞我在患難中。也不缺我當盡的本分。二分想。耶穌向聖母說。女人。彼爲爾子。這個話就如說。我沒有忘了

母親。我今離世。不能再盡孝道。把我可愛的宗徒。給你當兒子。教他替我。孝敬事奉你。如你親生之子。但耶穌不稱母親。只說女人二字。有兩個緣故。一。爲恐提起母親二字。更招聖母難過。一。爲表明。承行聖父之旨。就不該戀着骨肉的私情了。雖不稱母親二字。但此言。已深刺聖母的心。如利刃鑽心。加增其苦。因聖母明知。己子就死。這是末了的話。又因貴賤相換。遠不相值。是漁夫之子。替了活天主子。門徒替了神師也。三分想。耶穌片言之中。愛情最長。只說彼爲爾子。教聖母聽其言。而明其意。不單是一個若望。當了聖母的兒子。前古後今。凡信耶穌聖道。奉了聖教的。都託付於聖母心中。作爲聖母之子女。好像替衆人說。女人。彼爲爾子。請你收我徒爲爾之子。凡信服我的。都是我之徒。你都該收他們。爲爾之子。你亦爲他們之母。他們當你的兒子。是我的心意。求

母親好好保護他們。噫。甘飴的耶穌。我感謝你。因你吩咐了你的聖母。收我作他的子女。就是賞我。當你的昆弟。這是尊榮無比的了。吁。至聖童貞之母。從此以後。我可能放心向你說了。我是爾之子。你當記的。你聖子把我。託付於爾蔭庇之下。求你收我爲爾子。爲爾女。我要孝敬事奉你。望你也賜我。每日要緊的聖寵。

我今志定。一。雖在憂苦中。總不缺當盡的神功本分。二。常感謝得爲聖母子女的大恩。

日內短誦。吁。可愛之耶穌。爾賜我得與爾。同爲一母之子女。真我之大幸也。

嚴齋第六主日。瞻禮二。

題目 思吾主架上第四言曰。吾天主。吾天主。何捨棄我。

前晚
摘要

我等明日。默想耶穌架上第四言。曰。吾天主。吾天主。何捨棄我。吾主耶穌。懸於架上。至午後三點鐘。大聲呼天主聖父。爲何捨棄了他。因耶穌當時。身上心中之苦。實難忍受。頭上茨冠之茨。深入於腦。手足被釘於架上。毫不能動。全身之重。懸於手足之傷。耳聞惡黨譏笑。訕毀。天主聖父將萬民之罪。盡付於其身。使補天主之公義。毫不施以安慰。故耶穌向聖父。呼號哀歎也。

早晨
小引
我等跪伏於十字架下。叩拜欽崇。爲我等之罪。被釘於十字架上。的耶穌。聽其呼號之聲。怨嘆之言。憐憫其痛苦無慰。自恨我等之罪。致耶穌受如此之苦。當急速改過。以慰耶穌之心也。

首分想。永生永王之聖父。使耶穌久受痛苦。毫不得安慰。是爲有益於善人。因天主。往往如此。試探善人們的信德堅心也。可思耶穌在十

字架上。頭不能安。茨冠之茨。深入腦中。手不能動。被釘釘於木架。足不得安。因載全身之重。渾身四肢。無不是苦。故大聲呼曰。吾天主。吾天主。何捨棄我也。

二分想。耶穌的天主性。到這時候。如捨了他的人性。不扶助安慰他。任憑他受痛苦。耶穌自日色瑪尼亞園至死。無時不受痛苦者。是爲免人疑他。不覺疼痛。也爲教人知道。他內中所有之痛苦。實在難受。如平常人一樣。故大呼曰。吾天主。吾天主。何捨棄我。然他並非有抱怨之心。故不直說。何捨棄我。而先呼曰。吾天主。吾天主。是顯他愛慕之情。好像說。你本是萬民之主。萬民生命之源。且更是我之大主。因爾將天主性。通合於我。你愛我。我愛你。皆不是平常人的愛情。你令一旦。何捨棄我耶。吁。至善之耶穌。你死已在眼前。苦已將完。已不用天神來安慰你。堅

固你。陳說被棄的緣故。我知道你被棄之故。是爲發顯你的聖愛。是因我。常捨棄爾之聖意。隨我私意。是我棄了你。所以你甘受聖父之捨棄。因此功勞。使聖父不捨棄我也。

三分想。另有一樣捨棄。更苦吾主耶穌之心。是吾主耶穌所怨嘆者。就是見自己的宗徒們。都捨棄了他。又見自己本國的人民。寧留巴拉巴。捨棄了他。又想後世有多少的教友。背信德。作踐聖事。吾主的苦難。甘心離開天主。以隨自己的私慾。這些人不知幾千萬眾。都是棄主之人。耶穌之所怨哭傷心者。更在此也。噫。甘飴耶穌。爾爲人受多苦難。立無限功勞。但願領你救贖之恩者。狼狽很少。因此你怨歎被棄。不是該當的麼。吁。永生之聖父。求爾勿許爾聖子。常常受人之捨棄。他既甘心爲人受苦受辱。求爾看他這苦難功勞。賞賜普世之人。都認識他。恭敬

他。效法他。

我今定志。一。心內枯乾無慰時。謙遜忍耐。以謝耶穌爲我受被棄之苦。二。勉力善用救贖之恩。不再加耶穌被棄之苦。

日內短誦。吾天主。爾既爲我。捨棄爾聖子。求爾勿捨棄我。

嚴齋第六主日。瞻禮三。

題 目 思 吾 主 架 上 第 五 言 曰 渴。

前晚撮要我等明日。默想耶穌架上第五言曰。渴。想他自前日晚上至今。滴水未曾入口。又因祈禱時。出多汗血。受鞭五千有餘。滿身流血。釘於架上。痛苦至極。又心中愛火炎燒。故甚渴燥。思飲而呼渴也。嗚呼。耶穌在萬苦中呼渴。而惡人飲之以醋胆。其心何等殘酷也。我等肯憐憫耶穌否。耶穌又受三樣神渴。一。是渴欲滿全聖父之命。二。是渴願

爲我等受苦。三。是渴願救我等之靈。這更是我等。該當效法。而萬萬不可輕忽者。

早晨小引我等跪伏欽崇。懸於十字架的耶穌。仰瞻其聖身。徧體鱗傷。苦不可言。心內火燒。思得水以解其渴。乃呼曰我渴。我等聞此言。當痛心酸鼻。眼淚湧流。巴不得以我等之淚。解耶穌之渴。

首分想。吾主耶穌的焦渴。到了最極的地步。因自前晚至今。滴水不曾入口。又受劇苦。走長道。受鞭打。戴次冠。手足被釘。流盡通身之血。能不焦渴至甚麼。故引聖經之言曰。吾力焦如乾瓦。吾舌貼於上嚙。令我入死灰之地也。耶穌焦渴雖大。久忍不言。到了臨終之時。纔說我渴。這是告訴我。教我知道。耶穌受此苦。爲補贖我好。吃好。歎之罪。又爲教訓我。爲報他的恩典。也該忍受些飢渴。悅樂耶穌之心也。

二分想。古時三算。爲保護本國的人民。忍飢受渴。用一驢頰骨。打死了一千仇人。爲民除害。致渴欲死。噫。我之天主。爾今以十字架。勝了仇人。飢渴難堪。何不求聖父。自十字架上。發出甘泉。以止你的渴。你爲活水石泉。爲愛德之火石。何不用十字聖木。如每瑟。擊石而出甘泉。以潤爾舌耶。我今見爾愛德炎炎。不肯變水止渴。只願出流爾血。以滌我罪。求賴爾聖渴之功。賞我能修忍耐節儉之德。就便該忍飢受渴。亦不敢生抱怨之心也。

三分想。耶穌受形渴之外。又受三樣神渴。一是渴望順命之德。凡聖父所命的事。件件都要聽從。就一字一畫。也不肯改移。他明知聖父教他飲醋胆。故此纔說渴。燕黨遂以醋胆飲之。二。所渴望者。是爲愛我。願受多苦。以悅樂聖父之心。三。所渴望者。是望救人靈。渴望以己聖血。有

益於衆靈。渴望天下萬民。皆沾其救贖之洪恩。人人欽奉真主。蓋耶穌心中之愛火。焚其肝腸。在十字架上。心焦口渴。都是這個緣故。再思吾才。渴欲救我靈魂。望我全心事主。我豈不當發奮。滿全天主聖意。止其渴懷。以報主恩麼。我的靈魂。你該聽耶穌向你說。我渴。是渴望你。當修聽命。忍耐。謙遜。愛德。良善。潔淨等德。你果然有了這些德行。就止了耶穌的渴。安慰了耶穌的心。

我今定志。一。今日用飯時。少飲一口。以敬耶穌十字架上受渴。二。勉發愛耶穌之情。以解耶穌之神渴。

日內短誦。吁。耶穌。爾渴。人飲爾以醋胆。我尚敢貪口腹之樂麼。

嚴齋第六主日。瞻禮四。

題目 思吾主架上第六言曰終。

前晚我等明日。默想耶穌架上第六言曰。終。耶穌既飲醋胆之後曰。終。是說一切皆了結完全也。話雖只是一個字。所包之意。全備無遺。是誰能盡述其妙也。細思耶穌之發此言。其意大約有三。一。是說凡聖父所命當受之苦。皆已全受。今已全完。可以告終矣。二。是奉聖父之命。降來人世。凡所宜行者。皆全行無遺也。三。是古教時。一切預言預像。表默西亞者。另外是祭天主之大禮。皆用真事真禮充滿。預像皆已革除不用矣。吾主耶穌。見諸般皆已完全。其職已盡。完全滿足於心。可歸告成功於聖父也。

早晨我等跪伏於十字架下。叩拜欽崇吾主耶穌。見其沉沒於萬苦萬辱之中。氣息奄奄。既飲醋胆之後。遂呼曰。完畢矣。我等聽此完畢之言。心中該又傷感。又慶幸。痛耶穌爲我等死於苦中。慶耶穌成全了

救我等之功。

首分想。 這個終字。大有深意。吾主將自生至死。凡聖父所命之苦辱。全擺列於目前。自誕生的貧苦。割損的疼痛。逃避厄日多國的淒涼困苦。傳教的勞苦。受難的痛楚羞辱。一一都受到了。聖父之命。已全行無缺。聖心中不勝感切聖父之情。故曰終。噫。救世主。你曾說過。我甚願望早飲苦爵。早受苦洗。當苦洗不到之時。你心焦渴無已。今苦洗已行。苦爵已飲。你心滿意足。可再不用焦渴了。因爾焦苦之功。買了常生之木。吾天主。求爾賜我常生木。食常生菓。得沾爾受難洪恩。我若能效法爾。一生至死。全遵主誡。事主愛主。到臨終時。心中是何等快樂。

二分想。 吾主自思。降生之事。乃聖父所命者。是為補贖原祖之罪。為踏碎魔鬼之首。為閉地獄。為開天門。為闡揚聖道。為立諸德之表。為建

聖事之跡。爲創立新教。今見聖父所命的事。全都完了。當行的已都行了。當受的已都受了。且其所選之徒。皆歸於愛。合而爲一。如聖父聖子合而爲一。其聖心忻慰。故曰終。就是滿全了的意思。噫。救世主。爾全行救世之功。一無所缺。我今感謝爾。求爾賞我。自始至終。盡除罪污。使我到臨終之時。德備功全。也可畧說完畢了。得見爾聖容於天國之內。三分想。吾主那時。神司亦想。自造天地以至今日。古聖先知。所記降生預像。特特古時之祭儀。俱是新祭之預像。今預像已驗。新禮已定。故曰終。就是要說。古祭古禮。預言預像。割損等禮。都用不着了。我不是棄毀古誠。乃是來完全古誠。天地可毀。古誠一點一畫。亦不能不應驗。今皆應驗。完其爲預像。而新教興矣。吾主。爾言比天地還堅固永久。如今果然全都應驗了。惟望天下萬民。都來欽崇爾。讚頌爾。因十字架完全

諸樣救世之功也。

我今定志。勉力盡心。隨天主聖命。善守規誡。好盡本分。望死時也能心有倚靠。說我的本分。我都全已盡了。

日內短誦。吁。耶穌。賜我終時。得救靈魂。亦能忻幸而言曰。永遠大事完全了。

嚴齋第六主日。瞻禮五。

題目。思吾主架上第七言曰。父。吾神付於爾手。

前晚撮要我等明日。默想耶穌架上第七言曰。父。我神付於爾手。此是耶穌結末之言。此言一畢。耶穌即斷息而崩。嗚呼。天主之子。常生常王之主。爲我衆人之罪。死於苦辱之中。我等能不驚異。慘痛如死乎。我等將何以謝此大恩哉。又可思。耶穌爲何大呼而死。一爲使人知。其死

非因無能無力。乃自願捨其生命。以救我等於永死也。二。爲顯其真是人。靈魂與肉身。極相連合。不忍分離。而苦痛難堪也。三。曰吾神付於爾手。又是顯其人性。甚爲聖父所忻悅。死則直入聖父之手。去領其功勞之大賞也。滿望我輩終時。亦能有此倚靠。發此言也。

早晨我等跪伏於十字架下。欽崇叩拜十字架上的耶穌。見其慘痛難堪。大呼一聲。然後斷息而崩。耶穌大呼之聲。震驚萬物。天地變色。我等亦當心身戰栗。感傷吾主之死。痛恨我等之罪惡。致我主耶穌。遭此大凶大禍。

首分想。此言所有之意。耶穌大聲呼曰。父。吾神付於爾手。是教人知道。他的德能大力。足能保他不死。但他自欲生則生。自欲死則死。不是力盡身敗而死也。耶穌說過。無人能奪我的命。是我自捨己命。始能至

死。我能自捨之。亦能自收之。吁。甘飴耶穌。我今謝爾爲我捨命之大恩。我亦奉我之身命。以光榮爾。若能增爾之光榮。就便捨生致命。亦所甘心也。

二分想。耶穌大聲呼者。是表靈魂與肉身分離之難。因耶穌念自己的靈魂。同肉身結合。已三十餘年。扶助救世之功。彼此相愛之情。實至大至重。而一旦分離。真是無比的痛苦。故此大聲呼號。以表其難受之至也。噫。吾主耶穌。我仰賴你至聖靈魂。與肉身分離之苦。求爾賞我。在臨終時。不受靈魂與肉身分離之苦。

三分想。吾主付靈魂於聖父之手者。是顯示他的平安。全在聖父之手。不在他人之手。如聖經所言。人是聖父所造。我皆等在聖父手中。時刻掌握。而能不忘。且我等之禍福。亦都在聖父掌握之中也。噫。我的靈

魂。你若肯把你。全交付於聖父之手。必得神益。其益有二。一。是聖父既把你。記錄在掌中。自不能消爾於常生之冊。二。是你的禍福。既在聖父手中。聖父定賞你。得享天堂之真福。而免地獄之永禍也。吁。甘飴之耶穌。爾將爾神。付於聖父之手。我今亦將我的靈魂。付於爾手。避難於爾懷中。爾在十字架時。伸開兩手。是爲抱持我。爾血之神力。把我寫在你手中。好像以釘釘住了的一般。再沒人能從你手中。奪了我去。我本軟弱無能。靈魂在我手中。是不安穩的。也是保不住的。爾神力無敵。我靈在爾手中。可得平安無慮。是爾贖了我。又是爾能光榮我。故付我靈於爾之手中也。

我今定志。常把我生命。奉獻託付於聖父之手。至少每夜臨睡時。熱心念曰。吾主。我神形付於爾手。

日內短誦。吾主我之神形。付於爾手。

嚴齋第六主日。瞻禮六。此日是耶穌受難瞻禮。

題目 思耶穌死以後所顯的奇異。

前晚撮要

我等明日。默想耶穌死後所顯的奇異。那時天昏地震。石相觸碎。

墳墓自闢。古堂帳幔。自上而下忽然裂開。這些奇異光景。總爲證明此時受難而死者。非是平常之人。更非有罪之人。乃是天地之真主。故萬物莫不慘傷。二。爲彰明弑主者之惡逆。三。爲表明所有之神益。堂幔裂開。顯示古教當除。新教當興。石相觸碎。地動墳開。示耶穌之苦難。能震動人心。認耶穌是天主。開其心墓。吐告罪惡之毒。後能改惡爲善也。

早晨小引

我等跪伏於十字架下。欽崇已死的耶穌。見天地之慘變。石碎墳

開之異。同百夫長等。拊胸慄悔。亦承認死於十字架上者。真係大主之子。深悔我等之罪。望主求赦。

首分想。古教聖殿中之幔帳。從上而下分開。其故有二。一。是先前蓋法司。聽見吾主。自稱爲基利斯督。想是大辱了天主。就當衆人之前。把自己衣裳扯裂。以顯其忿忿不平之意。如今天主聖父。見其本國人。把聖子釘死。就把殿中幔帳。破裂。以表其深惡惡人辱慢吾主之罪也。二是表明。從此得見真道之奧理。人又得與大主相合。蓋如聖保祿宗徒所說。古教堂中。原存真道。但因幔帳遮蔽。故新教之事跡。尙未彰明。又因世人之罪。如幔帳遮蔽其目。今已裂開。大主之真光復見矣。噫。我的救世主。求爾裂開我私欲之蒙蔽。除去我罪惡之幔帳。發爾神光。開爾之天門。使我得一生一世。得近爾。誠心奉事爾也。

二分想。天昏地震。石相觸碎。墳墓自開。天主顯此奇跡。亦有二故。一是使無知覺的頑物。亦知哀痛救世大主之死。又爲深惡惡人怙惡之狠心。亦爲羞愧那些狠心無良之人也。吁。我的靈魂。爾主耶穌。身靈分離之時。不勝痛苦。山陵尙爲之崩碎。你何不碎裂爾心。以顯哀痛耶。二是爲表耶穌之苦難。大有神力。能震開罪人之心。使之敬畏天主。敬畏之德。乃義德之始。人心雖硬過堅石。亦可擊碎。悔罪思改。亦如打開而告己之罪。能令被殺之靈魂。復生於基利斯督之台前。從此看來。默想吾主耶穌之苦難。必獲大益也。

三分想。這些奇異。大顯出耶穌受難的神效。能令罪人悔過自新。當時親眼看見之人。槌胸慘痛。深悔其侮慢天主之罪。承認耶穌爲義爲聖。爲天主子。當時百夫長。同兵役等。雖是外教之人。如德亞義。雖窮兇

極惡之人。催釘耶穌。至於一見這些奇跡。多有回心。認識耶穌實是無罪至聖者。此亦是耶穌祈求聖父赦仇之效。蓋耶穌爲釘殺他的仇人祈求。此求。大感化惡人之心也。我今亦當隨這些悔過的善表。自悔自痛我之沒良心。又悔恨我所犯之罪。仰賴耶穌受難功勞。得我諸罪之赦。

我今定志。一。求主捶碎我頑石之硬心。以痛悔我罪。二。開我心墓。吐告我之罪惡。以潔我心。

日內短誦。吁。我靈魂。耶穌死時。石亦破碎。以顯其痛。爾能不破碎。以顯爾之哀痛乎。

嚴齋第六主日。瞻禮七。

題 目 思 兵 卒 看 守 耶 穌 墳 墓 。

前晚撮要我等明日。默想兵卒看守耶穌墳墓。耶穌聖屍。既葬於墓。如德義等。向比辣多曰。彼誑者曾云。三日後復活。請派兵看守其墓。防彼門徒。將屍盜去。假稱復活。比辣多曰。爾等有兵自去看守可也。惡黨遂以印封墓門。派兵嚴守。一。想惡黨之聰明詭詐。欲阻天主之事。而愈彰天主之光榮。蓋使耶穌之復活。愈顯明也。二。汝領耶穌之聖體。把耶穌之聖身。葬於新石墓也。當謹守三司五官之門。勿被私慾仇魔。盜去爾所領之聖體大恩。三。耶穌聖軀在墓中。未經朽腐。因天主聖性。不肯離開。故不使朽腐也。你當不使爾靈。入於罪過之朽腐。致被天主離棄爾也。

早晨小引我等跪伏於耶穌聖墓之前。叩拜欽崇。在墳墓中之耶穌。心中同聖母。及聖瑪達肋納。憂苦難受。堅心仰望耶穌復活。光榮喜樂。以慰

我等之心。

首分想。於此見法利色義等之詭計用心。不敢倚靠兵卒行事。只怕宗徒們。以銀錢買囑他們。偷去屍首。所以用自己之印。封錮了墓門。然天主聖父。用全能封貼。比他們的封印。更是堅固。命千萬大神護守。使聖屍妥當無損。吁。我主。求你救我於內仇。我的內仇。就是我的私慾偏情。求你千萬莫許他害我。又救我於外仇。就是不許魔鬼及惡人害我。我的靈魂。你看世人。爲犯罪是怎麼用心。你爲救你自己。到不該用心麼。

二分想。人領了耶穌的聖體。到自己心中。就如同把耶穌。放在新墓之中。當緊閉三司五官之門。以防仇人。從你心中。把耶穌偷去。就是怕因貪肉身的快樂。丟了耶穌。並丟了你的熱心。但爲保護你的熱心。第

一妙法。是用心保存吾主耶穌也。噫。我可愛之耶穌。你曾說過。把我印於爾心。印於爾臂。因愛情之勇。勝於死。堅於地獄也。懇求吾主。以爾愛德之印號。封我心墓。閉我五官。這樣緊閉心門。得能同爾安居。享爾福樂於永世。亞孟。

三分想。吾主耶穌聖軀在墳墓中。經兩夜一晝不壞。而又復活。表明用死與葬兩件事。以救我神形兩樣之死。兩夜表神形之死。一晝表神形生活之光明。全由聖寵而來。吾主聖軀在墳墓中。兩夜一晝。仍是完好。不朽不壞。如達味聖王所說。天主不許爾身朽爛也。耶穌雖然領受死之罰。但不肯領朽爛之罰。因天主聖性。時刻不離聖身。故不該見其朽爛也。若肢體朽壞。天主聖性也就離開了。今不許朽壞離開者。是寵愛不捨之故。蓋耶穌一取了人性。就永遠不肯捨棄也。噫。極可愛救世

之主。我感謝爾。因爾救我神形兩命之不死。又赦我罪。免我永罰。復賜我再生之聖寵。爾聖身不朽。爾聖性頃刻未離。乃我心所最樂也。我今求爾。保我身靈。勿朽於罪惡之中。賞我聖愛。與汝合而爲一。至於永世。
亞孟。

我今定志。一。每領聖體後。謹守五官三司。以防失去耶穌。二。用心躲避大罪。以免我神形腐壞。致令吾主耶穌捨棄我。

日內短誦。可愛之耶穌。求爾不許我。落於罪惡朽腐之中。

默想耶穌苦難

終

--	--	--

